






M









The title page is framed by an architectural structure. At the top center is a circular medallion with a coat of arms. Below it, the text is centered. On either side of the text are two cherubs (putti) standing on a base. At the bottom center is another circular medallion depicting a sailing ship. The entire page is printed in a historical style with a slightly aged, yellowish-brown paper.

LAVRENTII
GAMBARAE
BRIXIANI

DE NAVIGATIONE
Christophori Columbi

LIBRI QVATVOR.

EDITIO COPIOSIOR.

AD ANTONIVM
Perenottum Card.
Granuellam.

SVPERIORVM PERMISSV.

ROMAE. MDLXXXV.

Ex Typographia Bartholomęi Bonfadini & Titi

Si quid imprudēter fortasse dixero,
 quod ab Ecclesiæ Romanæ doctrina,
 vel consuetudine sit alienum, id præter
 animi mei sententiam dictum, indictū
 esse volo: meque, scriptaque mea om-
 nia eiusdem Ecclesię iudicio, & corre-
 ctioni subijcio.

Laur. Gamb. Brix.



ANTONIO PERENOTTO
CARDINALI
GRANVELLANO.




Laurentius Gambarà Brixianus S.



N OVI Orbis poema tuo nomini dicat
mitto ad te, Cardinalis amplissime
quod ab excellentissimo, eodemq. pr
dentissimo Nicolao patre tuo, atq.
te ipso potius, quam à me pròdit in l
ccm. Tu enim eo tempore, quo deu
etis Afris, Turcisq. profligatis, Car
lus Imperator Neapolim venit, saepe mihi memorando i
cundissimam simul, ac Christiana reip. utilis
simam Christophori Columbi nauigationem, in qua multas regiones
nostro orbe longissime disiunctas, easq. & fertilissimas
& opulentissimas, priscisq. ignotas inuenit, hortatus es
atq. adeo pro iure tuo, vt ea Latinis versibus conscriber
iusfisti. Quae sane nauigatio eo verior existimanda est
quod ab ipsomet Columbo praeclarissimo auctore pat
tuus eam accepit, cum esset Barcinona, atq. aliquot pos
annos maximo ipsi Casari Carolo Quinto summa cū ei
voluptate narrauit: quo tempore omnia & Imperij, & r
gnorum eius negotia primus a consilijs administrabat, eiu
que sigillorum custos erat: in cuius demortui locum, cum
ab eodem Carolo (qui te semper maximi fecit) tu adhuc se

adolefcens subrogatus fuiſſes, ſummaq. eo ſuperſtite ne-
cia obiuiſſes; tum Philippus Rex Catholicus, Caroli
ſexti filius te ſæper ad maxima quæq. munera adhibuit,
cum poſtremo Neapoli Prorex ſumma tua cum laude
fueris, deinde ante biennium in Hiſpaniam ab ipſo Re-
uocatus, non ſolum Italas, & Belgicas, verum etiam
primas alias res indefeſſo illo, & prudentiſſimo tuo pe-
ore adminiſtras. Ergo rerum adeo mirabilium ab ipſo
et auctore explicata narratio calcar mihi addidit, vt po-
teritati veriſſimam, & admirabilem hiftoriam, ab eccliſ-
ticis alijs poematibus, longis verſibus ſcriptam relin-
erem. Ita enim putauĩ fore, vt & facilius memoria re-
ueretur, atque animis altius infixæ mentes omnium ac-
nderet ad commendandam diuinæ poteſtatis gloriam,
ius vi Columbus, natus Cugureo, quod caſtrum eſt
territorio Genuenſi, tam inſigne factum effecit. Cæ-
um quod ad me attinet, opus ipſe hoc tam arduum,
& difficile, viribusq. meis impar te monente inchoaui, &
iſto I E S V Domino aſpirante abſolui: qui longe late-
e ſanctiſſimum ſuum nomen, vbi nunquam antea auditũ
erat, hac mundi nouiſſima ætate, immenſa illa ſua proui-
ntia voluit propagari; ac certe, quod ipſe prædixerat de
nuntiando per vniuerſum terrarum orbem Euangelio, id
ſtro hoc ſeculo factum cernimus: ac proinde firmiter in
liquis fidei noſtræ certiſſimis articulis corroborari debe-
us. Chriſtus igitur tibi materiam, & deſiderium, mihi
tem vires ad hoc poema conſiciendum largitus eſt. Quã-
rem quiſquis hæc leget, ſi quid inde fructus percipie-
r, Deo quidem in primis, ac deinde tibi acceptum refe-
t, cui omnia hæc merito dicata fuiſſe intelliget.

5



IN MARIAM VIRGINEM.



Patre Deo Deus est, atq; immortalis Iesus,
Matre homo, mortalisq; simul: purissima
partu,
Quem dedit in lucem hanc nostram Gali-
leia Virgo.

Non illi graue pondus erat, quod ventre gerebat:
Cum lumen, verbumque Dei, non pondus haberet.

Felix ante alias, celi quæ facta fenestra es,
Per quam perspicuum lumen diffudit in orbem
Terrarum, æterni proles illa inclyta Patris.

Scalaque facta poli es, per quam conscenderet altum
In cælum mortale genus, mandata secutum:
Quæ iussit Pater Omnipotens, rerumque creator.

Tu nitidum iubar es, summi tu ianua celi,
Atque Dei templum est venter tuus aurea Virgo.
Tempora nec mirum est, tua si bisseña coronant
Sidera, nam tuus ipse suo cum lumine Christus

Iustitiæ Sol caelesti te uestit amictu,

Tuque pudicitie speculum admirabile: nanque.

Nulla in te macula est, tu præstantissima virgo

Es longe formosa, licet sis fusca colore.

Tu generis nostri longe prælata puellis

*Omnibus, es Patre æb æterno, & quem non capit orbis
Maximus. ille tua clausit se Christus in aluo.*

Filia tu, tu sponsa Dei, tu mater Iesu,

Mortales fuso maculas, qui sanguine tersit.

Exora MARIA ALMA tuum natumque Patremque,

Ut nunc susceptum valeam percurrere munus,

Pandere & huic nostro tot regna incognita sæclo,

Et fer opem (vt solita es) nostris virgo inclyta captis.



7

A D L A V R E N T I V M
G A M B A R A M

DE SVA COLVMBI NAVIGATIONE,
Iosephus Niger Cremonensis .



*Hactenus ignotas regionum repperit oras,
Et penitus nostris nō puia regna Colūbus,
Et docuit longo diuersa per aquora cursu
Ire uiam, mundi q. nouas inuisere gentes.
Tu uero hęc eadem loca, regna, situsque
locorum,*

*Et populos, orbemque nouum, & noua sidera celi
Planius ac melius describis, & omnia nostris
Sensibus insinuas, veluti depicta tabellis:
Carmīnibus dum cuncta tuis ex ordine narras.*

*Cui magē nos igitur vestrum debemus? an illi;
Qui mare, qui terras, qui tot loca primus adinuit,
Signauitque viam, longumque per aquora tractum:*

*Antibi? qui veluti præsētia cūncta legenti
Subijcis hęc oculis Laurenti Gambarā nostris,
Demulcesque noua nostras dulcedine mentes.*

*Magna quidē laus abstrusum quod repperit orbem
Et quod ad ignotas, classē prior appulit oras.*

*At nouus iste tuus labor, & tua gloria maior:
Qui rudis illustras noctem, mundi que tenebras
Versibus, ingenijque tui splendore perēnni,
Et penitus retegens velamine cūncta remoto,
Sic facis ut quamuis distent hęc omnia longe:
Quisque tamē censint præsētia singula cernat.*

L A V R E N T I I

G A M B A R A E B R I X I A N I

D E N A V I G A T I O N E
Christophori Columbi

Liber Primus.

A V R E L I I V R S I R O M A N I
*Argumenta in quattuor libros de Nauigatione
Christophori Columbi.*

A R G V M E N T V M.

Fernandi iussa exequitur Ligur : æquora puppe
Conscendit triplici, soluens à Gadibus : oras
Ad fortunatas classem primum applicat : inde
Guananaim : e Cubæ mox tempestate repulsus
Littore, Quique iam venit : Oceanoque remeſo,
Hispano Regi inuentas edisserit vrbes .



P E R E N O T T E virum referam ; qui litto
ra primus
Ingentis tetigit Cubæ, non cognita nautis
Hactenus, oppositumq, polum, nouaq, a-
stra retexit

Nuper & inuentas cancri sub sidere terras .
Accipe quæ quondam iussisti carmina ab Afriſ
Cum domitis Caesar dulcem, claramq, redisset

Parthenopen victor: qui forti milite densas
Tot Turcarum acies validis superauerat armis :
Et pulsum Regem regnis induxit auitis .

Non sine te maris immensos inuadere fluctus
Tentassem ratibus , nec vasto in gurgite vela
Tendere , sed Mella tenuissem parua fluenta ,
Hic vbi Chinæas arces, atque arma virosque,
Et fines latos canerem , terramq, feracem
Tot frugum, & ferri venas, vrbs condita ab alto
Sanguine Cenomanum ducit genus aspera bello
Quæ fuit, & latis Italos successibus auxit.

Te Carolus semper magna est dignatus honore:
Namq, tibi curam soli commiserat omnem
Regnorum, Imperijq. simul, bellique, togæque,
Tempore. nunc breuiter tibi dicam, quæ genitori
Rettulit ipse tuo longe admiranda Columbus,

Iam cælum, & terras tenebrosa inuoluerat vmbra
Humida nox, pelagique sinus, vnoque fauebant
Ore omnes, & erant mensis, sublata secundis
Pocula iam, solitoq. pius de more sacerdos
Egerat ingentes submisso vertice grates
Aeterno cali, & terræ, rerumq. parenti,
Cum primus GRANVELLA inquit, noua gloria gentis
Christophore Ausonidum, dic nunc ex ordine portus
Inuentos à te: dic regna, tuosq. labores.
Et toties sileant Vates iactare Pelasgi
Innumeros terræ tractus lustrasse, viasque
Alcidem, Bacchumq. etiam uidisse Orientem
Auroram toties, bello dum territat Indos.
Hæ vatum sunt ambages, longeque superstes
Illorum fama est maior, quam viuida virtus,
Et totum implerunt varijs erroribus orbem.

Felix Ausonię tellus, cui, contigit vni
 Totius mundi Imperium, nunc & quoque felix:
 Quę talem te læta tulit sub luminis oras:
 Cui Deus omnipotens alto dignatus olympo est,
 Tot pelagi monstrare vias, tot regna, tot vrbes
 Egregias, quas maiorum non viderat ætas.
 Per te namque illæ Cancris sub sidere gentes
 Vnumq. trinumq. Deum agnouere, repulsis
 Numinibus, vñ quę gens ignara colebat:
 Quos omnes nostri tinxere salubribus vndis.

Frondescent dum vñ nouo, Tauriq. sub ortu
 Imbrifero nemora, & partus non terra negabit
 Alma suos: dum purpureis e collibus vuas
 Vinitor ipse leget, metet hordea grandia messor,
 Notus eris fama æternum, quę præcipitans Sol
 Inuisit gentes alias, & quę redit ad nos,
 Atq. orbis spatium hoc reuoluta luce reuisit.

Tunc Ligur innixus folio sic fatur acerno:
 Quod petis vt narrem populos, inuentaq. nuper
 Tot maria, & nostris incognita sidera nautis,
 Expediam, nec te longo sermone tenebo:
 Nec mihi res memorare leues, nec cuncta referre
 Mens est, atq. oras tantarum euoluere rerum:

Sed dicam, quę causa animum iustissima nostrum
 Mouerit hos tentare sinus, quos alluit ingens
 Oceanus, fluctuq. ferit, pelagoq. reuincit:
 Ne videar tantos frustra subisse labores.

Hanc cęli molem immensam, & spatia ardua zone
 Quinq. tenent, quarum medium Sol lampade torret
 Assidua, radijsq. coquit (sic prisca vetustas
 Credidit) extremę scelerato frigore torpent,
 Perpetuisq. rigent niuib. glacięq. perenni.

Non

Non illis estas vlla est, redoletve nouum ver
 Floribus, aut illic præceptis autumnus aprico
 Colle rubet. nix alta tegit iuga celsa, tenetq.
 Planitiem, siluasque, suos non flumina trudent
 In mare perpetuos cursus: filet aura, nemusq.
 Fronde carens. frustra siluis intenderet altis,
 Aut alta conualle plagas venator Orion.

Hic mare non notum nautis: has inter vtrasq.
 Et mediam tantum colimus nos maxima regna.

Hæc ueterum pridem solers industria finxit,
 Sideribusq. dedit nomen, centumq. locauit
 Monstra polo, & positas varia sub imagine formas:
 Quæ latas messes, & amicos insuper imbres
 Agricolis persæpe solent prædicere, & annos,
 In quibus aut ingens segetum, aut penuria vini est.
 Sed mundi (nec vana fides) primordia dicam.

Principio Deus omnipotens cum conderet astra,
 Fulgentesq. poli sedes, spatia ardua cæli,
 Solemque, Lunæq. globum, noctemq. diemque:
 Ille idem terram e nihilo, pontumq. creauit,
 Impleuitq. feris terras, & piscibus altum
 Acquor, auesq. simul siluis immisit opacis:
 Mox hominem proprijs manibus fabricator olympi
 Formauit facili ex limo, præsensq. recentem
 Illi inspirauit vitam, terramq. patentem
 Illius imperio subiecit, & aquora aperta.

Credere nec dignum est ipsum fecisse vacantes
 Tot maris ingentes tractus, tot inhospita regna,
 Et mundi liquisse duas habitabilis oras.

Est regio Tanaim iuxta, Rodopeiaque arua:
 Non vnquam viduata gelu, niuibusque, nec aura
 Assidue gelido Boreæ spirantis ab axe

Hanc

Hanc tamen innumere gentes colucre, coluntque;
Frigoribus etiam medijs sua rura, domosque.

Quid referam Thracum regem, quibus imperet oris;
Quosque regat late populos: quibus asperat ingens
Strimonias Aquilo ventosis flatibus vndas?

Frigentis Scythiæ non carmine prosequar oras,
Aruaque, & ad gelidum constructa mapalia litus:
Hic ubi pastores vrsorum pellibus vsi,
Frigora nil curant hyemis, specubusque iuuenos
Includunt; & proceras dant ignibus ornos:
Sive oritur canis Icarus, seu frigida celo
Nix cadit: & niueo terras obnubit amictu.

Extremi Garamantes habent armenta, gregesque:
Quos nunquam stabulis claudunt, & nocte, dieque
Aut silvas, aut prata tenent, semperque vagantur.
Illic perpetua est æstas, & nescia brumæ
Torrida, sed superante æstu, cælique calore
Vnda tepet longe Oceani, & caua flumina feruent.

Insuper Aethiopum gens totum nota per orbem est,
Atq. Arabum, necnon populorum, qui loca zonæ,
Quæ media est tepidas inter, quam torret iniquis
Sol radijs, non posse gelu perferre, nec æstus
Terrarum pontiq. genus mortale putabat
Ætæ præscia hominum quondam: quæ vana fuerunt
Somnia: nam iuuenis virtus spectata sub armis
Pellæi haud potuit longum differre, morarique:
Atq. rei veterem famam, dubiumq. remouit.

Ille etenim valido formauit remige classem,
Elegitq. duces assuetos vincere semper
Bellando; iussitq. nouas inquirere terras,
Quiq. sinus magni Oceani Austrum inter & Eurum,
Detegerent. qui dum sulcarent inuia quondam
Aequora,

Aequora, terrarumque plagas videre per æquor.

*Taprobana in medio posita est, quorum insula læti
Diues agrī, diues gemmarum, aurique, boumque,
Atq. frequens late populis, corruptaq. nullo
Aeris infecti vitio, sed querere testes
Tantarum haud opus est rerum: nanq. æquoris æstus
Arentis Libyæ tenuerunt fortibus alnis
Iam Lusitani, fundaruntq. oppida: & vrbes,
Et nautis iter infuctum inuenere, nouamq.
Tellurem, populosq. alios immanibus ausis.*

*Ipsæ ego iam Libyæ ratibus vada falsa cucurri,
Guineamq. adi gemmarum, auriq. feracem.*

*Quin etiam cum sæpe iterans maria alta profundi
Oceani, Gades vltra prope Lusitanos,
Noctesque, totosque dies vigil obseruabam
Littore ab occiduo, quadam vaga flamina certis
Temporibus anni, & certis spirare diebus:
Hæc gigni ex aliqua tantum tellure putabam,
Quam rebar longè distantem à littore nostro.*

*Quid memorem populum vndantem, quæ Scandia misit
Frigida in has partes, quas tunc vastauit, & igni
Tradidit, & præda in patriam remeavit opima?*

*Extremiq. Scythæ montes liquere supremos
Mongalli, atque armis Asiam domuere, tenentq.
Imperio quasdam partes. Islandia ponto
Oceani vasto est, rigida & porrecta sub vrsa.
Perq. dies multos distans a littore Thule:*

*Accessi has olim partes, vbi non ego vidi
Perpetuis niuibus montes albescere semper:
Non etiam hic frigus penetrat ita regnat, vt vnda
Fluminea haud possit gelidum se euoluere in æquor:
Pascunturq. feræ siluas, maria aspera Delphin*

Hic

Hic secat, atq. lupus fluuiorum pascitur vndis.

Innumerabilibus populis cum terra frequens sit.

Occasum quis nam varijs sine gentibus esse,

Et sine terrarum spatio pelagiq. negabit?

Terra etenim septem pars est subiecta trioni,

Pars etiam subiecta Noto, subiectaq. Eoo.

Unde aliqui veteres olim, qui non nisi partem

Nouerunt mediam hanc terræ, maris esse putarunt

Oceani immensosq. sinus, atq. alta fluenta,

Quæ tegerent spatium hoc indeficientibus vndis.

Conscia sed veri longa experientia damnat

Hanc rem, credibilem quondam, qua præuius alium

Lucifer aduentare diem mortalibus egris

Nunti at, innumeras dicunt sub Sole oriente

Oceani nautas vidisse per æquora terras,

Et longe distans a nostro littoro littus.

Has interposita est sat multum nota Cipango,

Multarum rerum diues, nec flumina desunt

Auroq. & varijs semper currentia gemmis.

Esse habitatum etiam quidquid Sol candidus ambit

Lumine purpureo haud dubiū est: dūq. hoc mare nauta

Verberat arboribus, semper noua regna, prius non

Visa videt, tractusq. maris, terrasq. patentes.

Hinc etiam magni heroes belliq. domiq.

Præclarum duxere genus: Germania testis,

Galliaque, & nostris diuisa Britannia terris,

Quiq. bibunt vndam Eridani, Rubiconis & amnem,

Vulturniq. colunt ripas, atq. Acidis oras

Trinacrii, & longe montes, & saxa Pachini.

Nunc quoq. tot procures, habitant qui maxima regna

Europe, stirpem illorum sese esse fatentur.

Spero equidem post me non multo tempore nautas

Vex.

*Venturos, retegunt sparsas qui per mare terras,
Littus & inuenient occasu a Solis ad ortum
Continuum; quæ crediderant iam lapsa virorum
Secula, tot vana esse hominum figmenta, nec ullum
Ulterius posse esse solum, sed inhospita tantum
Æquora, & Oceani tantum notissima monstris.*

*Hanc igitur terramq. coli, trabibusq. profundum
Inuerti haud dubium est, & quæ mala frigora densant
Ipse calor laxat, passa est quæq. herba calores,
Rore suo hanc reficit per noctis Luna tenebras:
Nam nitidus cum Sol sero sub vespere terras
Liquit, & ante oriens quam sese ostendat ab orbe
Eo, aërios rores bibit arida tellus.*

*Hinc læta veniunt segetes, & mollia campis
Gramina, & occultas vires terra alma ministrat
Arboribus: virgulta greges, & roscida tondent
Pascua, & in dumis ducit rosa nata colorem.*

*Hactenus ut finem faciam PERENOTTE loquendi,
Dum causam expedio, quæ me tentare profundum
Impulit ut ternas Fernando a rege carinas
Instructas peterem: patrijs qui nuper ab oris
Quas secat Hesperius fecundo flumine Batis
Expulerat Numidas, atq. agmina barbara victor.*

*Tunc ternas dedit ille rates: quas lætus ad vndam
Pallensis portus deduxi robore duro,
Pendula perq. altum conuerti carbasa versus
Non longe positas Hispano a littore Gades:
Cum siluis iam poma rubent, & collibus, vna
Iam rubet, & sætu curuatur pampinus, & cum
Trans mare, permetuens hibernos garrula soles.
Remigio volat alarum brumamq., niuesq.,
Increpitat, tepidosq. dies adflectat hirundo.*

Atq.

Atq. cateruatim Maurusia regna reuifunt.

*Nam circum facies placidi maris, & celer Eurus,
Et mitis monstrabat iter per cœrula tutum.*

*Pinzones mecum vexi, qui marmora nostra,
Atq. mare Oceanum lustrarunt abiete longa.
Et ventis hyeme in media se opponere norant.*

*Una frater erat non belli ignarus, & alto
Venturas tempestates prædicere, & Austros.*

*Miles erat mecum solitus tolerare laborem,
Militiâque grauem durique incommoda belli,
Fernando sub rege, suis dum barbara terris
Agmina victor ouans infestis expulit armis.*

*Difficili haud cursu tranquilla per æquora Gades
Deueni. hic donis opulentum, & marmore viuo
Templum adij Christo extructum: cui debita in acta
Vota libens feci, & Patri: ne regna petentem
Extera me tandem sineret, sociosque, ratesque
Illidi scopulis, mergius sub æquore & undis:*

*Et TV STELLA MARIS, quæ non te condis, vt astra
Cuncta solent, toto effulges sed semper Olympo:
Cui cedit splendore nitens Luna, & rutilus Sol.
Ille diem terris quanquam vebat, & vebat illa
Sidereꝝ noctis celi per inania lumen.*

*Dum nos hac classe exigua freta mota tenemus,
Incerti quò nostra ferant vaga lintea venti,
Da nostram hanc puppem portus intrare, marisque
Per tantos tutam ire sinus. ferq. inclyta virgo
Ipsa viam hanc facilem miseris, tu nanque potentem
Concilias nobis celi, terreꝝque Parentem.*

*Post vbi legerunt pontes. & vincula naute;
Mox celer immensum conscendi à Gadibus æquor,
Et cursum pelago intendi, qua præcipitans Sol*

Occiduam

*Occiduam in Cancri vergit sub sidere partem.
Sidereum linquens cælum surgentibus vmbri.*

*Canariaſq. viam verſus tentamus, ibique
Flammiferam legimus Teneriffem, è vertice cuius
Saxum ingens, altumque globos prorumpere ad aura
Flammarum, & longo tractu ſplendescere noctem
Præcipue Eois cum ſtant è partibus Euri.*

*Ignarus tamen ipſe viæ, nec territus vnda
Inſolita, aut metuens incognita ſidera nautis,
Auſus vel ſtagna alta ratis proſcindere roſtro.
Sed ſummi Patris auxilio conſiſus, & aura,
Ad Fortunatas Euro feror alite terras:*

*Hic vbi mane nouo ſacris de more peractis,
Oceanii ingredior latices prius intentatos.
Tunc noſtras primum ſenſerunt æquora puppes,
Quæ nullæ præſſere rates, non nauita nouit.*

*Pandimus, & velorum alas, noſq. Eurus euntes
Proſequitur, validis & lintea flatibus implet.*

*Conuerſus vero ad ſocios ſic ora reſolui,
Nauita, vel milesq. ſuat, qui lumina primus
Per noctem, aut molem & montes aſpexerit, hunc rex
Extremæ Heſperia donabit munere multo,
Quare agite ò ſocij gemmis, auroque petamus,
Non grauidam bellis terram, nec littora noſtris
Peruia, & his dictis aſſueta inuertere fluctus
Remigijſ pubes ſecuras nauigat vndas.*

*Ipſe ego ſurgentem Solem, vagaque aſtra notabam
Nec non occaſus illorum, & nubila, & aure
Intenta ſpirantem auram, placidiq. tenorem
ſeruabam maris incæptum, & mea ſemper ad aſtra
Lumina vertebam: nam me non noctibus illis
Vlla quies (pacata forent licet æquora) preſſit.*

Hoc cursu Magnetem illum, quo in pixide nautæ
 Utuntur, quo monstret iter, non semper eundem
 Deprendi spectare locum, stellamq. polarem.
 (Ut dicunt) nostris res nondum hæc cognita nautis,

Orta dies sine nube, Euri surgebat ab oris,
 Et radijs Sol purpureis, & lampade fulua
 Aureus eorum spargebat lumine littus
 Trigintaq. dies iam vela inflauerat Eurus;
 Cum timidus nollet ultra procedere miles:
 Sed quamuis cuncti vellent in regna reuerti
 Hesperia, longi pertesi per freta cursus,
 Ipse viam tamen haud volui conuertere: nanque
 Classis erat non fracta Noto, non murice cæco,
 Nec fractus miles pugnata ob bella per undas.
 Turbatur semel, atque iterum formidine ductor,
 Dum toties vidisse solum per lata putauit
 Aequora, sæpe maris frustra tranasse profundum
 Herbosum, & varias volucres, populosque natantum.
 Haud nostris forma similes: tunc miles amarus
 In me me, tumidusque ira mussabat, & ense
 Sæpe minabatur mihi mortem, cum tegit umbra
 Nox calum, vel luce dies, & spargere in æquor
 Insuper, atque nouam monstris me linquere prædam.

Iamq. orbem vaga Luna suum compleuerat, & iam
 E summo rediens sese ostentabat Olympo
 Lumine sublustri, cum iam nox ipsa teneret
 Oceanum, & terras caligine, & Eurus apertos
 Per fluctus ageret tenui iam flamine puppes:
 Visa mihi haud longe terra est, Rodericus Iberus
 Nauita ait, summi seruans carchesia mali.
 Non ne etiam zephyrum flantem sentitis, & auram
 Iam notam nautis auram, c tellure propinqua

Letitia

*Letitia exultant omnes. lætiq. salutant
 Vocibus hanc visam post tanta pericula terram.
 Nauticus æquoreas tunc clamor personat undas.
 Hanc piceis mistam tenebris prospexi ego primum.
 Mox comites videre alij, cum nox silet atra.
 Tunc socios terram hanc versus conuertere proras
 Confestim iubeo, contisq. incumbere nautas.
 Vixq. iubar cælo sese ostentabat, & astra
 Cedebant primo radiantis Solis in ortu;
 Gravior haud vnquam terris, nec lætior orta est
 Vlla dies, mage nec claro sese extulit ortu.
 Nam circum mare pacatum ridebat, et alto
 Nostra vehebatur pelago sine remige classis:
 Cum procul aerios montes, geminasq. videmus
 Circuitu longo sparsas per cæula terras,
 Mox alias, mox inde alias: nam clara fuerunt
 Signa prius nobis sulcantibus, haud procul esse
 Tellurem optatam toties, votisq. petitam.*

*Hic nos letitia lacrymas effudimus, altumq.
 Aethera spectantes Christo, Mariæq. parenti
 Aeternoq. Patri, geminos, qui temperat axes,
 Reddidimus cuncti submisso poplite grates,
 Queis nostræ ducibus cursum tenuere carinæ
 Iam tutum, & nullo ventorum turbine victæ:
 Et nullo comitum omisso, dehinc talia fudi:
 Conuertens oculorum orbem conuexa ad Olympi.*

*TV PATER OMNIPOTENS ignota per æquora cursus
 Da faciles, ne nos inter maria inuia surgens
 In pelagi cursus Auster ferat, atq. recursus.*

*Harum prima novos flores, herbasq. tenebat,
 Arboris, & virides frondes: fontesq. lacumq.
 Hac media ingentem vidi: nam nullus ibi mons*

Eripiens prospectum oculis erat equora iuxta.

Currebat gens ad pelagus, visura carinas
Attonita, & stupefacta rei nouitate, putabatq.
Esse rates nostras tot monstra natantia ponto.
Tangimus hoc fessi littus: letiq. subimus
Guananaim portum, paruamq. intrauimus urbem,
Et grato accepti hospitio, reuocamus opima
Amissas mensa vires: nam mitis erat gens,
Vultus item est illis placidus, frons lata licet sit,
Quæ corpus paulum & faciem turpabat, & ora.

Non forma exiguum corpus, crinemq. refectum
Supra aures crassum, & nigrum pars maior habebat,
Estq. color oleæ similis, qui vergit ad atrum.

Atq. aliquis nudatum enseni, gladiumue tenebat,
Trahebâtq. manu, ceu lignum, at post ubi apertum
Aspexit vulnus, trepidansq. gemitusq. dolobat.
Querebat signis an nos venisse suprema
E sede ætherea, & cali colere ardua tellus,
Atque vnâ cum cœlitibus ferrique per urbem
Tunc belli signum iubeo, passimq. viarum
Strata per, atq. forum, cornu instrepuere recuruo,
Et totam implenere nouis clangoribus urbem.

Parte alia fractos sonitus dedit enca moles
Flammis permistos rutilis, & littus, & equor
Intremuere sono insolito, longe insula Cubæ
Audijt, & sonitu gens est exterrita tanto.
Urbemque hanc paruam sine cede, & sanguine regni
Hesperia primum adiunxi, namq. ordine cuncti
Acta palam assensu ciues populusq. probarunt.

Non fluat è terræ venis auri ve metallum,
Aut eris, ferri ve licet, sitq. insula pauper,
At gentes illa tamen gestat bipatentibus aurum

Naribus

Naribus. hic gentes sunt nude, & versicolore
 Pictura exornant corpus, armantq. preustas
 Piscis dente sudes vice ferri, sunt quibus hostes
 Pellere consueti, & circum sua regna tueri.

Septem ex his iuuenes mecum per cœrula vixi.

Hic vidi aspectu horribili, toruoq. molossos,
 Quos sine latratu referunt componere soles.

Atque hic non pelagi tractus, non noscere mores
 Permisit breue me tempus: nam nocte, dieq.

Detegere has terras ingens me cura premebat.

Mox iter ingentis direxi ad littora Cubę:

Quattuor aspexi non longe per freta terras,

Quarum cuncta nouis redolebant floribus, arua

Consita erant passim arboribus, queis garrula lympba

Non deerat, fugiens per gramina odora, rigansq.

Vicinum nemus, atque halantes floribus hortos.

Res verohis terris nulla est mihi visa relatu

Digna mage hac, quam nunc memorabo. ramus adoptat

Ramum alium, varijs folijs, varioq. colore,

Pomaq. sunt intus varios seruantia succos,

Cortice non simili: mater quę stipite ab vno

Dędala terra creat. hac nunquam poscit auari

Dura ministeria agricolę sub tempore Veris.

Dehinc nos ardentes placido caua lintea ponto

soluimus, atq. viam velis de flectimus inter

Has pelago sparsas nullo discrimine terras

Illic nos siluas legimus, quas longa gerebant

Littora, & arua simul nullis obnoxia rastris,

Vidi lanigeras non longe a littore siluas,

Et passim arboreis pendentia vellera ramis.

Vidi & odoratos alio sed littore lucos,

Frondentes quorum rami mollissima seruant

Vellera, quæ leuibus siliquis inclusa teguntur.

*Quid memorem pictas volucres, quæ florea circum
Prata volant, cantusq. suos noctiq. dieiq.*

.Aequant, & varijs implent concentibus auras?

Frondosissq. sedens ramis philomela canebat;

Quas inter canit Eois non natus in oris

Psittacus, & volucrum cantus imitatur, & altis

Arboribus strepit, & lingua noua verba loquaci

Ingeminat, repetitq. auium per guttura voces.

Hic volucres fundunt cantus sub mense Decembri.

Pars dulcem frondentis alunt in vertice pinus

Progeniem, pars oua fouent, pars arbore nigra

Nidificant, latebrisq. domos frondentibus abdunt.

Nanq. dies erat hic tepidus, ceu vere rubenti.

Non desunt illic portus, & flumina nautis

Grata nimis, Zephyri si quando spiritus vndis

Insonat, insequiturq. rates reuoluta per alta.

Accessi tandem Cubam, magnumq. fluentum

Tendere in Oceanum vidi, portumq. capacem

Non parua ingressus, classis, tutumq. procellis.

Nanque erat hic portus saxis circumdatus altis

In morem stagnantis aquæ, quo clausa silebat

Unda, nec videntes fluctus, ventosq. timebat.

Nec longum hæc statio tenuit me; sed caua feci

Vela Notis, nunquam linquens ea littora Cubæ

Per multos soles. resonans sed flatus ab alto

Vertice spirantis Boreæ, & maris vnda tumescens

Terruit ulterius procedere: nec mora vento

Obuerti aduerso sinuosa per æquora cursum.

Permetuens instantem hyemem, pelagiq. furorcem;

Et gemitum: cum iam Boreas nos horrifer oris

Quiqueiæ appulerat, legerent & carbasa nautæ

*Lætitia perfusi animum, & de more coronas
Puppibus aptarent, subito prætoria pinus
Est breuibus inflicta vadis, qua longa iacebat
Saxea planities subter mare, puppis & imis
Solvitur ista vadis, nautasq. relinquit in vndis.
Continuo impellunt socij per cæcula cymbas,
Auxiliumq. ferunt timidis, ratibusq. reponunt
Incolumes, navis scopulo sic fracta resedit.*

*Corpora sed madidi comites dum littore curant,
Et sagula ad tepidum Solem madefacta reponunt:
Protinus ingredior densum nemus: hic ubi primum
Conspexi indigenas cursu iuga celsa secantes,
Nosq. videre viros cupidi, novâ cernere regna:
Tela manu intrepidi capimus, sequimurq. fugaces.
Tunc illi celerare viam, & transmittere cursu
Præcipiti patrios colles, & fidere silvis
Haud aliter fugere viri montes super altos,
Quam timidi damæ sub primæ tempora lucis
Conspexto procul herbosa in conualle leonum
Agmine, dum silvis errant, sic illa petiuit
Turba virum loca notâ metu, seq. abdidit umbris.*

*Compressi subito gressum, tristisq. redibam
Ad naues sine præda: hederis cum condita virgo
Concussit folia, & frondes, quibus ipsa latebat:
Has motas petimus frondes: tunc abdita virgo
Exiit facie insignis: sed fusca colore:
Confestim illa capi sese permisit, & una
Mecum incèdebat silvis non mæsta sub altis.*

*Hæc ducta ad naues epulis expletur, & alba
Induitur læna, disponuntq. ordine trines.
Crystallum dant & digitis, & Iaspide cingunt
Virgineum latus: hic gentes nam corpora nulla*

*Veste tegunt, nudi incedunt, & cum redit æstas
Et cum bruma redit, venit & cum tepidum ver.*

*Mox virgo in notos rediit iam libera colles,
Primoresq. petit nemorosa in valle latentes:
Ostenditq. habitus, atq. ordine cuncta recenset:
Narrat & ingenium gentis mite, & genus alto
E cælo venisse nouum itunc ocyus omnes
Decurrunt properi, qua semita ducit ad æquor,
Et veniunt ad nos ultro, signisq. salutant:
Cum quibus & digitis loquimur, nutuq. frequenti.*

*Planitie fractam scopuli vt videre carinam,
Tranarunt rapidi stagnantes lintribus vndas,
Et patrium ad littus remos, & vcla, rudentesq.,
Et ratis arma ferunt: tunc gaza reducitur omnis
Nautica, & ad littus defertur lintribus altis,
Nos illos donis fessos cumulamus agrestes:
Crateras septem vitreos, & pocula septem
Fictilia, heroum varijs decorata figuris,
Bissenasq. damus tunicas, totidemq. cothurnos.*

*Interea dum nos iam quassam in murice puppim
Teximus, aptamusq. trabes, redit extera pubes,
Quæ nobis fuit auxilio, & lectissima secum
Frustra auri, atq. auro permistas portat arenas:
Et teretes donant paruo pro munere baccas.*

*Noctesq. totosq. dies ad littora nota
Orbe alio aduectas gentes visura ruebat
Turba virum, natisq. patres, pariterq. nepotes
Permisti, armatosq. duces mirantur, & auro,
Purpura & indutos procures, sonitusq. tubarum.
Gestat acu hic pictam tunicam, cristasq. volantes,
Hic picturatis radiantia baltea signis.*

Ast alij tenuere locum, quo quadrupedantes,

Insul-

Insultantq. solo:glomerantq. in litore gressus.
 Preuertuntq. notos cursu, & candore ligustra.
 Et vix in prima figunt vestigia terra.

Miranturq. novos habitus, mirantur & arma
 Bellantum non visa prius, nec cognita quondam.

Parte alia volitare vident sine remige puppes,
 Atq. maris tentare, sinus, licet Auster aquosis
 Incumbat pelago nimbis, hyemesq. minaces
 Ingeminant, piceisq. cadant e nubibus ignes.

Sternit humi se quisque, sonum dum territus haurit
 Auribus, effundit reboans quem ferrea longe
 Machina, fumososq. ignes attollit ad auras,
 Perstringitq. oculos flammis, fumoq. sequaci.

Erexiq. Crucis signum venerabile curuo
 Littore confectum palma, pinuq. virenti,
 Quam populi circum signis, nutuq. colebant:

Vnanimiq. sacerdotes hæc carmina sacra
 In laudes, Pater alme, tuas cecinere: DEVM TE
 LAUDAMVS, TRINVMQ. DEVM, Dominuq. fatemur:
 Te Patrem æternum veneratur littus vtrumq.
 Te veneranda cohors cæli, & cælestia regna,
 Atq. potestates sublimi voce vicissim
 Insigni te laude ferunt super omnia, quæ tū
 Fecisti, & cæli spatiosa per atria dicunt
 Ter sanctum, nostrumq. Deum, Dominumq. Patremq.
 Te celebrant, cum cuncta tuo sint numine plena,
 Qua Sol luce sua lustrat, dum circuit oras
 Aethereas, tractusq. maris, terrasq. patentes:
 Atq. tibi assurgunt gentes felicitis Olympi,

Et duodena cohors comitum te Christe tuorum
 Concelebrat, fudit quæ pro te casa cruorem;
 Quorum vox late occiduas peruenit ad oras,

Atq.

Atq. Arabum, Indorumq. domos: vos o quoq. vates
 Abramidæ, quibus orē dedit prædicere nati
 Aduentum Deus ipse sui, & rerum abdita: vosque,
 Qui quondam sparso meruistis certa cruore
 Præmia, nunc alacres Dominum laudate supremum.
 Vos quoq. virginæ cætus, quibus vna fuit mens,
 Vna pudorem ipsum a teneris coluisse, nec vnquam
 Concessos subiisse toros, nec floris honorem
 Virginæ amisisse, Deum laudate parentem
 Immensæ maiestatis. vos o quoq. sancti
 Cæsariem lauro insignes, palmasq. tenentes
 Dexteræ Idumæas alacres, & vestibis albis
 Induti immensas Patri vos dicite laudes,
 Cælestiq. simul diuini numinis auræ.
 Nos etiam Christum vnigenam, magnoq. Parenti
 Aequalem canimus: summi tu magna Tonantis
 Gloria, stellantisq. poli: dignatus & aluo
 Tu de Virginea nasci, tu funus acerbum es
 In Cruce pro nobis passus, quos sanguine, & ipsa
 Morte redemisti, patefactaq. ianua cæli
 His nece Christe tua est, tua qui sunt iussa secuti.
 Es Patris æterni æternus tu Filius, & Rex
 Magnus, & ad dextram Patris omnipotentis, & alto
 Ipse sedes solio sublimi in vertice cæli:
 Venturumq. diem te iudice credimus olim,
 Quo tu digna malis, & iustis præmia reddes.
 Tu nobis igitur succurre precantibus, & nos
 Aspice, fulcantesq. ignota hæc cæcula puppes
 Innocuas serua, & dextram ne subtrahes nobis:
 Namq. in te posita est spes nostra, sinusq. repostos
 Te maris Oceani duce nos penetrasse fatemur.
 Quas & agam grates tibi nunc? qui me duce terras

Non visas olim, voluisti ostendere seclo
Huic nostrò, atq. alio positas sub sidere gentes.

Iam Guacamarilli peruenit rumor ad aures
Externos venisse viros, littusq. tenere.

Obstupuit Cemium repetens oracula secum:
(Indigenæ sic appellant sua numina gentes)

Noluit & capere arma manu, & depellere classẽ
Finibus, euentu rerum, factisq. sinistris

Territùs: at properans ad littora nota tetendit,
Atq. vltro dedit ex auro mihi munera multa,

Et sumus hospitio à populis & plebe recepti:
Anseribusq. alius nautas onerabat opimis,

Pars patrias epulas, & viscera tosta ferebant.
Sed dicam cur depositis Rex venerit armis:

Rettulit ipse olim nam rem mihi sæpius omnem:
Quiqueiẽ extremus tunc Guarionexius oris,

Et Guacamarillus materno sanguine iunẽti,
Dum super imperio Cemes, rebusq. futuris

Consulerent, flexoq. orassent poplite ad aras:
Interea per quinq. dies, solitoq. sopore,

Et solitis epulis sese abstinuere, nec vnquam
Cessarunt in vota oculos ad numina semper

Intenti, quibus est adytis uox reddita. Reges,
Audite hæc responsa. dies inopina propinquat,

Qua regnum hoc felix, & regia sceptrata tenebunt
Vestibus induta gentes, quas extera classis

Huc vehet euertentque vrbes, operosaque templã,
Et quoque nos, legesque nouas, & sacra docebunt.

Nec vos, o procures vox hæc deludet inani
Augurio: tuq. etiam populis audita refertò.

Inde recens illos luctus, mærorque tenebat,
Atramque inuisamque diem taciti expectabant.

Finierat

Finierat, tremuitq. solo mota ara recusso,
 Concussæq. fores templi, & penetralia longe
 Insonuere: fragor templi tecta alta repleuit.
 Tunc ambo rerum attoniti nouitate recedunt
 Tristes, & Cemium populis responsa retexunt.
 Tempore, quo has terras, terras his Rex Guacananarillus
 Ingens extincti regnum iam patris habebat,
 Præclarum referens nomen genitoris amati:
 Iam ratus aduenisse diem, quo dicta supremum
 Finem habeant Cemium, vectas sibi iungere gentes
 Fædere amicitie querit, speratque tenere
 Posse sua imperio tali sub fædere regna.

Dum vero surgens attolleret æthere Taurus
 Cornua, decreui remeare ad littoris oras
 Extremæ Hesperie, victorq. inuenta referre
 Tot maria, atque alio gentes sub Sole repostas:
 Præcipue liquidi soles, & vertice ab alto
 Leniter aspirans Zephyrus discedere tum me
 Cogebat, lætumq. meos inuisere Reges.

Ut vero faciles populos, Dominum quoq. mitem
 Asperi, visum est paucos mihi linquere posse
 His terris impune viros, & tollere paruis
 Securam tectis arcem, & circundare fossa.
 Xamana in regione noui sub tempore veris
 Exiguæ vallos arcis de cespite viuo
 Extruxi ex trabibus nexis, & vimine flexo:
 Aggerek. incinxi valido: atq. ex milite certos
 Delegi bello expertos, quos Guacananarillo
 Commendo: illorumq. ducem liqui Rodericum,
 Corduba in arma parens primo quem miserat quo:
 Assuetum obsessas vrbes, & castra tueri.
 Debinc late regem placido sic alloquor ore:

*Maxime Rex, qui sponte tuis consistere regnis
 Inuitas, fessam hanc classem, & consurgere portu
 Littoreo sinis, hanc molem, victumq. ministras,
 Promissis maneat oro, quæ sæpe dedisti
 Et serua hanc gentem precor, & defende cohortem
 Hanc solita pietate: erimus placidissime nunquam
 Immemores tanti meriti, regnisq. potentem,
 Atque armis nostrum iungemus fœdere Regem.
 Non veni populare domos, non perdere ferro
 Hanc gentem, vel te patrijs expellere regnis.*

*Et mox ad socios conuerti lumina, & illos
 Talibus aggredior dictis: Vos bellica pubes,
 Unanimes, lati q. dies agitate, metumq.,
 Mittite: nam vobis validum rex inclytus vltro
 Auxilium feret, imperio qui littus, & vndas,
 Et circum regit hos montes, atq. oppida circum.
 Vos Regis quæcunque sequi ne temnite iussa
 Quæ vobis, iuuenes, præclaro hoc digna labore
 Præmia persoluam? cælo quæ gloria iam vos
 Sublimes factis ventura in sæcula tollet?
 Fernandus vobis meritis persoluet honores:
 Non sine muneribus magnis: conuertere cogor
 Per maria alta rates, iterumq. reuoluere fluctus
 Ut Regem faciam certum cursusq. viæque,
 Quasq. alio sub Sole nouas deteximus vrbes
 Vere nouo has iterum dulces rediturus ad oras.
 Tum Rex letus ait. curas seclude sequaces
 Dux demisse polo: nam miles nullus adibit
 Hos armis: hæc terra mea est, & cærule circum.
 Semper eos ope præsentis, auxilioq. iuuabo.
 Per mare pacatos tibi dent tua numina ventos
 Mox meme & socios dextra petit, & tenet ipsos
 Amplexu,*

Hunc triplici vixi specie mirarier omnes
 Quos illinc vixi inuenes, pallentiaq, ora,
 Auribus, & simis dependens naribus aurum,
 Deformes visu ac breuiori corpore. tum rex
 His visis, mora nulla, parat classemq, virosq,
 Expertos bello atq, armis, suetosq, periclis,
 Et lectos centum artifices, totidemq, colonos.

Addit mille viros, qui secum barbara contra
 Agmina pugnantes, victricia signa tulerunt.
 Bellator non desit equus qui Betica pascit
 Pasqua, quiq, Tagi vitreos bibit accola fontes.

Narrarem ac breuiter dum regna inuenta, sinusq,
 Tot maris, & sparsas per tot maria aspera terras,
 Fernandi iussu, populo spectante, sedebam
 Illum, & reginam iuxta, qui magnus in oris
 Est honor extremę Hesperię, quin sponte supremum
 Rex me rectorem classi pręfecit, & alto
 Oceano: debinc vectigalia regia dono.

Quędam concessit: fratrem quoq, non sine honore
 Dimisit, cui iam partas concesserat oras,
 Ut regeret, littusq, maris, populosq, Quiqueię.

Artifices mecum varios, armenta q, vixi,
 Omnigenumque gregem delegi, armenta q, primum
 Ut maribus cum tempus erit, submittere possem,
 Elegi in spem gentis equos, selectaque, farra,
 Grandiaque herbarum beneolentum semina, vt hortos
 Tam pingues nostri colerent, plantaria viua
 Camporum, nemorumque tuli, nam haud nascitur illis.
 Partibus vlla arbor, nisi pinus stipite recto,
 Et tereti, celsaq, coma, proceraq, palma.
 Duritię hę sunt indomita, quibus arma ferox gens
 Conficit atq, enses ferri est sine terra metallo:

Hosq.

Hosq. acuunt saxis, quæ secum flumina ducunt.

*Collibus apricis dum uero rusticus vuas
Iam legeret, properansq. domum sarmenta referret.
Scinderet atq. agros procuruo vomere. iussi
Erigere & malum, maloq. innectere funes,
Ne ruere antemne, scindi ne carbasa possent.*

*Hispanos etiam complures maximus ardor,
Tantarum & rerum nouitas, adaperataq. regna,
Impulerunt ignotum æquor percurrere mecum,
Unanimesq. damus spirantia flamina classi.*

DE NAVIGATIONE CHRISTOPH. COLUMBI LIBER SECVNDVS

ARGVMENTVM.

Carpit iter rursus: Caribum perlabitur oras:

*Quique iam accedit: sociorum hic funera deflet:
Liberat Hoiedam obsessum: cum fratre tyrânium
Caunoboam capit, Hispanam rediturus ad aulâ:
Committit fratri imperium: regemq; reuisit:
Inde abit, atque alias perquirat in æquore terras.*



*VNC ipse Hesperia fines, portusq; reliqui
Cumq. decem et septem ingressus sum pup-
pibus æquor:*

*Ad Fortunatas meq. Euris detulit oras.
Ut Graij referunt vates, vatesq. latini,*

Actutum applicui ad littus, quo ferrea tantum

Insula

*Insula habet gelidum laticem, purumq. leuemq.
 Qui non e terra erumpit, non fonte perenni,
 Non erupe caua emanat per scrupula riuus:
 Littora non surgunt illic puteique, lacusque:
 Humida sed nubes circum collecta, virentes
 Arboris obnubit ramos frondesq. diebus
 Continuis, cum mane nouo Sol lucidus orbem
 Inuisit, pulsaq. diem iam nocte reducit:
 Quæ liquidas versa in lymphas ex arbore, ceu ros
 Frigidus, in structam muro, saxiq. lacunam
 Distillat, potumq. gregi, populisq. ministrat.
 Hæc dulcis gustu est, nec non & frigida tactu.*

*Post hinc confisus placidum mare puppe tenebam
 Et Boreæ cursum tendebam semper ad oras.
 Ter septem cessere dies, cum per mare nullas
 Conspexi immensum terras: tandem insula longe
 Cannibalum se Luciferi monstrauit in ortu:
 Est Eurus perflans adeo nos vsq. secutus.
 Nulla hic turris erat, non vlla mapalia toto
 Littore, at arboribus multis, & gramine plena.*

*Ultra prouehimur ponti per marmora suaues
 Vicinum late tellus spirabat odores.
 Transibam loca multa, mari circumdata vasto,
 Nulli habitata viro: non his animalia terris
 Vidimus, aut vllos homines sed corpore tantum
 Ingenti ac vario magnos errare lacertos
 Per siluam obscuram. iacet insula Guaricueia,
 Quæ cali nitidum lumen nil præter adorat.
 Ad quam delati fluium conspeximus vnda
 Perspicuum, fundoq. ingenti, & vortice nullo.*

*Collis erat iuxta paruus, quem plurima pubes
 Conscendit visura solum telluris, & omnes*

Cannibalum tractus circum: videt arma, domosque,
 Ruraque, frondosumq, nemus, septemq. fluenta.
 Nostrorum pars descendunt e nauibus, ipsosq.
 Explorant fines, vicinaq. tecta peragrant.
 Cannibali iuga celsa petunt, tutasq. latebras.
 Nostrum ad Cannibalum sedes facto agmine tendunt.
 Tecta vacare viris cernunt, sed sparsa recenti
 Sanguine. viderunt trabibus pendentia membra
 Multa virum, multa & verubus confixa cruentis:
 Humanis permixtus erat queis psittacus, anserq.
 Artubus, atq. alię nemorum, pelagiq. volucres,
 Inclusas testa quas flamma accensa coquebat.
 Tunc primum fatur sic puppi interpres ab alta.

Hęc est imperij sedes, & regia gentis
 Cannibalum, rapido circum pulsata profundo:
 Qua genus acre virum floret, belloq. iuventus
 Horrida, finitimasq. armis inuadere gentes
 Assucta, & pelagi perquirunt lintribus undas.
 Captiuos verubus figunt, & pingua torrent
 Viscera, & in campis læti vescuntur apricis.
 Euellunt pueris testes, nec corpora leto
 Dant tristi, donec crescens accesserit ætas,
 Et cute sint pingues nitida: mox ense recludunt
 Spiramenta animæ, & tectis epulantur in altis.
 Fæmineo generi parcunt, seruantq. puellas
 Præstantes alijs forma, quo gignere natos
 Ex illis possint: tecti custodia turpis
 Est anus, & nexis virgultis atria verrit.
 At uero iuuenes, quibus est iam firmior ætas,
 Cannibalum gens hęc in quattuor effera partes
 Diuidit (horrendum) atq. illos euiscerat, inde
 Corporis extremas partes abscindit, abenoq.

Imponit,

Imponit, flamma aut torrret, manditque, voratque:
Cætera membra sale inspergit, cellisq. reponit.
Et quoties vento feruet mare, protinus arma
Corripiunt, puppesq. petunt, pulsasq. procellis
Per mare sorte rates rapiunt, spoliantque, feruntque.

Ipse decem mecum Quiqueiæ littora vexi
Per maria alta viros: sed septem tabida febris
Inuasit, letoq. dedit, dum cæcula verro.
Hos ego non vinclis, non dura compede vinctos
Ducebam, sed erant comites, semperq. vicissim
Illorum sermone dies, noctesq. fruebar:
Vt me sermonem patrium, moresq. docerent.
Mox ait interpres: Fugite hinc, tortosq. rudentes
Rumpite, quaq. vocant nos flamina parte, sequamur.
Ipse iube acciri socios atq. agmina; namq.
Quæ te circumstant incipina pericula nescis.

Cannibalum ingentem numerum per curua videbis
Littora, si attigerit surgens te his Vesper in oris.
Nam totis effræna ruet de montibus hæc gens,
Quæ pedibus superat celeres pernicipibus auras
Non horret gens illa necem, non vulnera vitat.
Vicinos terræ tractus populantur, & audent
In fines longe positos excurrere, campisq.
Inuentas abigunt prædas, semperq. vagantur
Impavidi: interdum centenis lintribus aquor
Prædantur, pagosq. petunt, cursumq. fugamq.
Inijciunt, nec certa salus fugientibus ulla est.

Hæc sunt arma, quibus Caribes vtuntur in hostes
Finitimos, cum bellantur: saturata venenis
Spicula, arundineæq. sudēs, fustesq. præusti
Sunt enses facti e palma, pinuq. frequenti.

Hi saxo magna ossa acuunt, summumq. sagittæ,

Telorumq. cacumen acutis ossibus armant:
 Quorum armare acies gens illa est sueta veneno.
 Infensi Caribes populis sunt deniq; nec gens
 Vlla potest sese venienti opponere turba.
 Innumeros cymbis vallos, & vincula secum
 Mille ferunt, optantq. locum, quem cingere possint
 Aggere, & in morem castrorum claudere fossa.
 Hoc faciunt, quoties nigris nox occupat umbris
 Tellurem: sed præcipue cum condita terris
 Luna negat nitidum cæli per inania lumen.

In siluis tecta ædificant sublimia nexis
 Arboribus. folijsq. tegunt. hæc insula mittit
 Gossipium: & varias volucres nemora ardua pascunt
 Indigenas nuper captas cum munere misi.
 Illæ etenim norant solita qua rupe laterent:
 Atq. animos blando pariter sermone, dat isq.
 Plurima quæ secum tulerant, mouere furentum
 Cannibalum, inductos quos spe, & dulcedine lucri,
 Mane nouo, cum Sol tenebras depellit, & almam
 Inducit terris lucem, per pascua multos
 Ante alios secum mulier ducebat: at illi
 Nos procul vt videre, metu vestigia retro
 Conuertere, velut cerui, quos turba luporum
 Insequitur, notasq. metu subiere cauernas.

Tum demum cedente die, noctisq. sub ortum,
 Nullis Cannibalum silua ve, aut littore captis,
 Consendi illorum perfractis lintribus equor:
 Visendiq. viros cupidus, quos arce reliqui
 Iam structa, classis cursus ad curua Quiqueia
 Mænia vertebam: sparsasq. per æquora vidi
 Antilias: sulcansq. salum iam nocte propinqua
 Sic est interpres fatus: Has aspice, ductor

Hesper

*Hesperidum, terras atq. oppida Cannibalum que
 Uxores habitant tantum nunc: namq. ubi terris
 Ver redit, & Taurus celo se tollit aperto,
 Inuisunt has Cannibali, & conuiuia siluis
 Læta agitant, choreas plaudunt, siluisq. vagantur
 Obliti solitas adducere per mare prædas
 Depulsos a læte mares per marmora secum
 Adducunt propriam ad sedem, redeuntque, nec unquã
 Has sedes, nisi cum terras inuisit aquosum
 Ver iterum, nitidosq. dies, tepidamq. reducit
 Temperiem, durumq. gelu, brumamq. remittit.
 Illæ habitant certas sublimi in monte cauernas:
 Quæ sese, quoties aliquis petit aduena terra
 Abdunt, & mox hostem armis, solitisq. sagittis
 Depellunt, & multa ineunt certamina semper
 Victrices, semper captos in tecta trahentes
 Hanc Madaninam vocat illius incola terre.
 Hoc vetuit spirans Boreas me accedere littus,
 Ultra progredior ratibus maria alta reuoluens:
 Multa per Oceani dispersas cæcula terras
 Conspexi, lætæ felices ubere glebæ.*

*Tempus erat, quo clara dies decedit, & umbra
 Succedit gelidæ noctis, dehinc præuius ignes
 Astrorum accendit Vesper, cum classe subimus
 Iam fessa portum: iamq. anchora iacta carinas
 Fundabat, placidum qua sese effundit in æquor
 Flumen, ibi intentis interpres talia fatur:*

*Hæc etiam ditione tenent fera regna nefandi
 Cannibali: nosco positas in montibus ædes:
 Appellant Ayay (nomen nam rite recordor.)
 Descendunt in terram altis de puppibus imam
 Triginta, explorantq. locos, vicinaq. tecta:*

Qui subito dulces hausere è flumine lymphas,
 Implentq. cados fluuiali hoc nectare, ibiq.
 Quattuor inuenere canes in littore tantum,
 Quos nunquam latrare ferunt, siluisq. nec vnquam
 Frondosis turbare feras: hi rustica semper
 Tecta colunt, conduntq. suos sine murmure soles;
 Queis testes geminos vellunt, stabulisq. recondunt;
 Et maectant, cum lata parant conuiuia siluis.
 Fæmineo generi parcunt, paucosq. reseruant:
 Quos in spem prolis certam gens illa future
 Submittit: veluti pastor, qui per iuga montis
 Ardua mille greges pascit, quos solus ad alta
 Flumina, & in saltus, & leta in pascua ducit
 Profluere decem iuuenes, totidemq. puellæ
 Caribium e domibus, petiere & per mare cursu
 Præcipiti, gemituq. graui nautasq. vocabant
 Auxilio manibus iunctis, & poplite flexo.
 Cannibaliq. fuga solitos petiere recessus.

Dum vero trahimus binos in littore soles,
 Et silua remex sub opaca, & miles aquantur
 Intrepidus, procul ecce vigil custodia, magnum
 Aduentare videt, mali carchesia seruans
 Nauita, Cannibalum pacata per æquora lembum:
 Hunc subito noster venientem est miles adortus.
 Illi autem non fracti animis, vllò ve timore
 Torsere hos contra volitantia tela veneno
 Armata, antiquo patriæ de more, priusquam
 Se pictis tegeret clypeis Hispana iuuentus.
 Quid dicam? medijs pugna aspera surgit in vndis,
 Quanquam essent pauci numeroque, & corpore nudi.
 Hic mulier bona missilibus, longeq. sagitta
 Fallente: ex nostris vnum confodit acuta

Cuspide

Cuspide stridentis teli, qui protinus iectu
 Traiectus calido fœdauit transtra cruore.
 Militis interitu illa eadem lætata, recuruo
 Telum aliud cornu aptauit, iecitq. sagittam
 Contra alium, quem tunc transfixit arundine iacta.
 Hos inter, ni fallor, erat Regina, puerq.
 Regius aspectu toruo: namq. illa ferox gens
 His assurgebant solis, moremq. gerebant.
 Videre vt nostri sese in discrimine tanto,
 Vnanimis potius voluerunt cominus illis
 Tunc conferre manus, quam longe occumbere iactis
 Caribium iaculis. mora nulla, per æquora prorsus
 Impellit clypeata cohors, subitoq. suburget
 Illorum solida confectum ex arbore lintrem,
 Et mersit pelago. spectabam hanc littore pugnam.

Forsitan & pugne finē PERENOTTE requiras
 Extremam, breuiter referam. non obruit illos
 Oceani rapida vnda maris: per nota natabant
 Aequora, & in nostros vibrabant spicula cornu
 Adducto: hand pauidi iuuenes, pauidę ve puellę.
 Ad saxum pelago tectum mox illa recepit
 Effera se pubes, miscens bella aspera in vndis,
 Vt prius. hi tandem longo in certamine victi
 In nostras venere manus: telo vnus acuto
 Cannibalum interijt: duplicato at regia proles
 Vulnere anhelantem vna animam diffudit in auras.
 Hi ducti ad naues vinctiq. ferocia corda
 Non posuere tamen. non tantum in retia lapsus
 Sæuit aper, clausi ve caua sub rupe leones.
 Huius pertasi pugne, tunc aggere funes
 Soluimus, & Caribum terram execramur, & æquor,
 Nostrorum ob cædem mæsti, resonatq. volamus

Oceano æratis confisi curribus aura
 Nimborum impulsis valida, sic cætera pubes
 Insequitur, laxisque fretum proscindit habenis,
 Non horrens pelagus, non procurentia saxa
 In mare, nec tumido spirantia flamina ponto.

Sub lucem passim multas per marmora terras
 In morem Cycladum sero sub vespere vidi:
 Quarum aliæ plenæ arboribus à vertice summo
 Montis erant, vsq. ad cliuosi tramitis oram:
 Plenæ & crant aliæ passim beneolentibus herbis.

Parte alia ad celi tollebant sidera sese
 Saxosi montes, rubro, varioq. colore
 Conspicui, atq. oculis grati. nos sistere classem,
 Et capere his portum terris vetuere frequentes,
 Difficilesq. maris scopuli, turbataq. circum
 Acquora, & inspersum spumosa aspergine pontus
 Aspera erat facies. atq. intractabilis vnda
 Latrantis pelagi, secum intolerabilis Auster
 Et sædam tempestatem, nimbosq. ferebat.

Huius tam vasti tractus, rapidiq. profundi
 In medio Burichena iacet circumdata latis
 Littoribus. non his terris nemora ardua desunt.
 Sunt illic magni portus, quanquam incola pontum
 Non tranet, sed sit domibus contentus auitis.
 Infense sunt hæ gentes, & cætera cunctis
 Cannibalis, finesq. suos tutantur ab hoste:
 Victores & sæpe domum sueta arma reportant.
 Captiuos lacerant, flammis torrentq. vorantque,
 Eliduntve oculos socijs spectantibus ambos:
 Oppidaq. aggeribus, fossaque, & flumine cingunt.
 Tunc nostri trabe descendunt, fontisq. liquores,
 Celsaq. tecta adeunt: montes fugit omnis in altos
 Agricola,

*Agricola, & vacuas sedes custode relinquit.
 Hic Burichena suum Regem (ceu numen) honorat.
 Sub noctem gemina indigena furtim, & puer ore
 Egregius fugere simul, tacitiq. natarunt
 Marmora, quos olim eripui de compede dura,
 Et manibus Caribum : & patriam petiere, suosque:
 Tantus amor erat his patrias inuisere terras,
 Quamuis Cannibalum aduentus, atq. arma timerent.*

*Nos tandem fessi seruata classe tenemus
 Primam Quiqueia terram reuoluta per alta,
 Atq. antennarum sublimia cornua nauta
 Funibus intendunt, pelagiq. ad cœrula proras
 Obuertunt : mox exponunt equitesq. virosq.
 Pontibus, & primis ducibus comitatus ad altum
 Accessi collem, vt socios, arcemq. viderem
 Xamania in regione, maris prope cœrula vasti.
 Quid referam? constructæ arcis vestigia nulla
 Apparent, non agger erat, non vallus, at arcis
 Reliquias ingens cineris calabat acervus.
 Descendunt armati equites, peditumq. manipuli,
 Littoreosq. tenent portus: petit ardua miles
 Terrarum, & positas altis in rupibus arces.
 Aerea personuit vicinos machina montes,
 Conuallesq. cauas, sonituq. impleuerat oras
 Aequoreas frustra: nanq. incola traxerat omnes
 Ad letum Hispanos, flammisq. inuoluerat arcem,*

*Hic Guacanarilli vêtus dum sol fugat astra
 Per mare germanus Regis tunc nomine binas
 Detulit ex solido statuas auro mihi: sed tunc
 Non potui seriem facti, non noscere causam,
 Interpres quia nullus erat: nam de tribus vnum
 Ex illis abiens, quos mecum per mare vexi,*

ultero

Ultro dimissi: sero sub vespere nabant.

Furtim alij, cum nigra tegit nox aethera, & equor.

Hæc animo sedit sententia, mittere certos

Decreui ad regem subito, vt causamque, modumq;

Diceret, excidiumq;, arcis, stragemq;, meorum.

Vt verò rediere viri, tunc vnus in ipso

Aggere stans tumuli flauæ sic cæpit arena:

(Et si ficta reor, quæ rex mihi Guacanarillus

Dixerit, hoc regis dictum nam fama refellit

In cunctis vulgata locis, quos circuit ingens

Insula, at ipse tamen referam, quæ dixerit ille.)

Aurato rex in thalamo, stratisq;, iacebat

Vulnere se simulans ægrum, cui crura, pedesq;

Cærulea multiplici cingebant vincula nodo.

Hic mihi tunc fandi postquam est data copia, regem

Alloquor, atq;, equites narro, peditumq;, phalangas

Venisse, & nostram tetigisse hæc littora puppes:

Succensæq;, arcis causam, seriemq;, rogabam.

Tunc rex, hanc classem non me aduentasse latebat:

Venissemq;, volens comitatus, ni mea quondam

Crura graui bello fixisset cuspide telum.

Fuerseq;, arcis memorabo, ex ordine causam,

Quam petis. Hæc multos (vt scis) habet insula reges

Uberibus latè regnis, populisq;, potentes:

Qui postquam audiuerè meis consistere terris

Puppibus aduectas gentes, armisq;, tenere

Littora, moliriq;, vrbes, atq;, oppida vallo

Munire, & totum sua sub iuga mittere pontum,

Exarsere graues animis concordibus iræ.

Audiuerè etiam peditum liquisse cohortem

Arce noua, & secum raptas abducere prædas

Christophorum, inq;, oras ratibus rediisse superbas

Quique.

*Quique iæq³, nouas in regna reducere gentes
Vere nouo, cum se partu terra alma resoluet.*

*Tunc super his commoti animi, mentesq³ duorum
Sunt regum, bellumq³ parant inferre relictis
Gentibus, & positam conuellere funditus arcem:
Dant alij auxilium reges, suaq³ agmina mittunt:
Procedunt instructæ acies, & ad æquora tendunt;
Nec mora littoribus nostris bina agmina regum
Apparent, dextraq³ sudēs, læuaq³ pharetras
Tela inimica gerunt, atq³ arcem milite cingunt.*

*Postquam aures allapsa meas est nuntia fama,
Accessi subito multis cum millibus arcem,
Inceptisq³ viros suasi desistere, & arma
Ponere, & hanc gentem redituram ad littora dixi
Magna equitum, peditumq³ manu: sic nam fore nostræ
Iam cecinere Cemes: sed nil mea verba, precesque,
Nil monitus valuerē Deum. tunc lampada iecit
Ardentem Rex longæuus, quæ iacta perussit
Frondea tecta domus, tabulataq³ proxima turri.*

*Tunc celer insequitur iuuenū factō agmine nimbus,
Connexisq³ parant trabibus conuellere vallum.*

*At parte ex alia iuuenum globus arma, manusq³.
Expendiunt: late sonitum dat stridula cornus:
Missile telum alij rapiunt: it clamor ad auras,
Accensasq³ faces flammis ad mœnia portant,
Inuaduntq³ nouam longis hastilibus arcem.*

*Hispanam volui gentem defendere vallo
Inclusam, & ferre auxilium, meaq³ agmina contra
Opposui pignantem aciem, flammāsque ferentem.
Tendebam per castra manus, tristisq³ profabar:*

*Arma inhibete duces, irasq³ remittite Reges:
Parcite & hanc arcem flammis dare, parcite quaso
Militi-*

*Militibus: vos triste manet sub sidere Veris
 Supplicium: accedet nostrum gens aduena littus,
 Et nostras exuret opes, fundoq. reuellet
 Montibus impositas vrbes migrabimus omnes
 Extorres patria amissa, rebusq. relictis.*

*Sed dum per medios ignes, mediamq. ferebar
 Structam aciem numero tamen, & bellantibus impar,
 Vulnere crudeli suras transfixit arundo.
 Restat adhuc paruum leso sub poplite vulnus,
 Me lapsum famuli accipiunt, humerisq. reportant
 Ad littus: sed me vt cedentem ex agmine Reges
 Videre, incingunt duplicatis mœnia flammis.
 Tunc miles furit, & testis incendia miscet,
 Atq. arcem, inclusosq. viros inuoluit in ignes.*

*Testor amicitiam, sancitaq. fœdera quondam,
 Et patrios Cemes, me non potuisse tueri
 Commissam hanc gentem fidei, & noua mœnia nostra.
 Responso audistis proceres, audistis inanes
 Nectentem omnes causas, incendiaq. arcis.*

*Protinus vlisci socios, ipsumq. volebam
 Indignans rigido violata ob fœdera ferro
 Mactare, at trepido timui ne regna tumultu,
 Et populorum animos turbarem Rege perempto.*

*Ad Guacananilli montanas mittitur ades
 Melchior, hæc eadem qui rettulit omnia, quæ iam
 Dixerat interpres: illum nam viderat alto
 Porrectum lecto, nec lesum crura sagitta,
 Regali at thalamo simulata mente iacentem.
 Ad me blanditijs hic Regem duxit, & ipsum
 Dimisi, vt ad propriam patriam, sedesq. rediret:
 Quem mulier facie insignis, formaq. per æquor
 Vndosum cum septem alijs, confisa lacertis*

Est Guacananillum sub opaca nocte secuta.

*Melchior interea legeret dum curua Quiqueig
Littora, militibus multis comitatus, ut ipsum
Quereret huc illuc fugientem per iuga montis
Prospexit portum procuruum, & nauibus aptū,
Cum ponto incumbit pennis niger Auster aquosis.
Cingebant summi hunc colles, quibus vnda silebat
Clausula, nec iratum pelagus, ventosq. timebat.*

*Hic adeo est portus curuum falcatus in arcum,
Quo postquam ingressus fueris, mediumq. tenebis
Nauigio, dextra quamuis, flectasue sinistra,
At facile baud poteris quærens cognoscere primum
Hic aditum, quamuis coniunctis frontibus intrent
Tergeminae has fauces nullo discrimine puppes.
Inq. sinu medio montis scena ardua celsis
Tollit se arboribus densisq. hic psittacus alas
Depictus varias, atq. Indis corpore maior
Peruolitat, renouatq. animum per guttura cantus.
Hic dulci nemorosa canunt auaria voce.*

*In portum duo decurrunt sat lumina magna
Et varios ducunt secum ad maris æquora pisces.*

*Ipse etiam pelagi gentes, squamosa propago,
Flumineis subeunt lymphis, gratoq. recessu,
Infano laticis capti fluuiialis amore.*

*Decreui ipse urbem sublimi in colle, secundum
Hunc portum (namq. aptus erat locus hic satis urbi.
Condere: silua hic alta trabes, vicinaq. rupes
Saxa ministrabat, iuxta, hunc longissima montem
Planities, & lata satis, quam plura fluuenta
Paruula, & alta rigant, aurumq. in cœrula ducunt.
Ipse autem hunc portum regalem nomine dixi.
Vestigare viros circum vaga flumina, & vrbes,
Ductores*

Ductores valido certos cum milite misi:
 Hoieda hos inter, Corlanus & alta propago,
 Ante acies dextra, atq. animis præstantibus ambo.
 Quattuor horum alter demonstrat flumina, & alter
 Parte alia tria conspexit labentia ab ipsis
 Montibus, auratis longe radiantia arenis.
 Legerunt ciceris non pauca leguminis instar
 Grana auri comites, maioraq. legit Hoiedas.

Mons erat haud longe a portu, quo condere castrum
 Institui, cæpiq. domos attollere saxis,
 Atq. MAGIS TRIBVS erexi, statuiq. sacellum.
 Hic ubi decurrunt immixtis flumina arenis,
 Et lento, nitidoq. auro, nec copia parua est.

Castrum aliud posui dictum de nomine Thomæ.
 Atq. peragrata Cibauo latus ad urbem
 Mox Isabellam redij, cum iucundum ver,
 Et tepidi crescunt soles. tunc fratre relicto,
 Cui summam volui rerum, cui credere classem,
 Assueto & bellis iampridem Margaritæo:
 Quos iussi circum positas perquirere terras,
 Et subito inuentas communi subdere Regi.

Tendo iter ad Cubam terna cum puppe per aquor:
 Ne forte imperio premeret ratis aduena texras,
 Oppidaque, regnumq. nouum; gentesq. repertas,
 Oceaniq. meis inuentum puppibus equor.

Deserimus socias naues, mæstiq. volamus
 Per mare; & aspirant animosis statibus Euri.

Sub lucem nitidi Solis sese mihi portus
 Ostentat, scopuli incuruo quem murice cingunt
 Ingentes vastiq. maris silet vnda refusi.
 Nicoleo Diui hunc portum de nomine dixi,
 Spectantem longe ditissima littora Cubæ.

*Sed latus accessi Cube, qua spectat ad Austros,
Maitij apparet tantum Iamaica diues,
Hortorumq. simul vario latissima cultu.*

*Vnum habet in medio sublimi hac insula montem
Vertice, qui latis tangit radicibus aquor,
Et sese circum nemoroso a littore tollens,
Paulatim molli ascensu se attollit ad auris,
Et media excelsum monstrat tellure cacumen:*

*Vnde licet spectare rates sua testa petentes,
Quæ celso imposuere iugo: quotiensq. feroces
Cannibali hos turbant: subito de vertice currunt;
Incurruntq., alacresq. ineunt in littore pugnæ.
Nam semper cum Cannibalis bella aspera ducunt.*

*Hunc gens dura colit: longoq. exercita bello
Hostiles contra incursus, contraq. Quiqueis
Finitimos volui fessam ter sistere puppes
Littore iam capto, classem ter reppulit hostis,
Et loca nota tenent, opponuntq. agmina nostris
Puppibus: adpressa tandem tellure, ruentem
Ad littus turbam aggredior: quæ nescia cuiquam
Terga dare, a patria nostros pellebat arena,
Pacati sunt tandem animi, pressiq. tumultus,
Visuriq. nouas gentes ad cæcula currunt.*

*Linquimus hanc etiam terram, Solemq. secuti
Occiduas versus terras currentia vidi
Torrentis fluuij in morem freta lata, sinusq.
Innumeros, centum & sparsas per cæcula terras.*

*Dum vero impellunt a tergo flumina puppes,
Sub noctis tenebras, Cube nos accipit ingens
Iridis in faciem portus, atq. vnda silentis
Oceanus, quem feruenti tutantur ab æstu
Aequoris, & magno ventorum a turbine colles*

Hinc

Hinc atq. hinc stantes; quo nos subsistere visum est.

Protinus optatam in terram descendimus omnes.

Intramusq. domos non longe a littore binas:

In quibus innumeros pisces ardente videmus

Impositos pruna, aut transfixos corpora vallis,

Accedo propius siluam, quæ fronde virenti

Vicinas ædes scopulis, littusq. tegebat.

Qua nexos vidi ramis frondentibus angues:

Atq. astricta alios conspexi funibus ora:

Auulsos alijs dentes (nec fallor) habebant.

Serpentes alit horribiles hæc insula: qui non

Immittunt membris hominum letale venenum,

Aut tactu, morsu ve truci, toruoque, ferinoq.

Aspectu sunt, & vario sunt membra colore,

Hi pelagus, terramque colunt, siluisque vagantur,

Pomisq. ingluuiem, atque herbis siluestribus explent,

Bisque decem interdum (dictu mirabile) soles,

Nec potant, solitumque cibum, nec gramina carpunt.

Regale hoc epulum est: hos frustra in paruula sectos

Infigunt verubus, domibusq. epulantur auitis.

Dum vero positis in margine vescimur omnes

Piscibus, aufugere viri: sed Didacus illos

Accedens linguam edoctus, moresq. Quiqueia.

Ad nos deduxit, dedimus queis plurima dona.

Insula Cuba tenet mores, quos ipsa Quiqueia.

Et Lunam, Solemq. colit: similemq. relinquit

Heredem, & fruges similes proieciat in aruis.

Ingenio felix est gens & mitis, & experts

Armorum: sua rura colunt, cupidiq. videre]

Aduectas nuper longinqua per aquora gentes,

Accedunt, puppesq. petunt, secumq. canistris

Vimineis varias epulas, fontemq. gerebant.

Nosq. etiam fessos descendere nauibus orant.

Littore

Littore in hoc adeo calidarum est flumen aquarū,
 Ut vix fumantes possit contingere lymphas.
 Ipsa manus: longo hic se fundit in aquora tractu:
 At procul ingenti fumant freta salsa calore,
 Feruentes nec erat tutum transire per vndas;
 Qua late inuoluebat aquis se fumidus amnis.

Iamq; diem nitidus ducebat Lucifer ore
 Purpureo, & luce infusa fulgebat Olympus:
 Cum nostri videre ratem, qua per mare pisces
 Captabant nudi nautæ: tunc cominus illos
 Aggredimur leuibus vicina per aquora cymbis.
 Intrepidi nos expectant, gaudentq; profundo
 Oceani ignotas illis spectare carinas.

Illi etenim vtuntur nulla compage phaselis
 Intextis, solido, atq; vno sed robore, & vndas
 Sulcant remorum valido tantum agmine freti.
 Non illis velorum vsus, non nautica noscunt
 Arma ratis, non astra polo surgentia seruant.
 Vim nullam intulimus nautis piscantibus alto.

Sed tibi nunc mirum dicam, dignumq; relatu.
 Hic piscis salsa est clarus venator in vnda
 Quiqueis, necnon rasisq; circa æquora Cubæ,
 Anguillæ similis nostræ, sed corpore maior,
 Et facie informi, nostris non notus in oris.

Hic pisces insectatur, veluti canis acer
 Errantes capreas campisq;, & montibus altis:
 Multiplices cuius squamæ certo ordine corpus
 Permistæ spinis armant, veluti rubus asper.
 Hunc Guaicanum appellat gens incola piscem.

Pellem habet hoc monstrum summa in ceruice, supraq;
 Squallentes humeros, supra & squallentia colla.
 Piscator trahit hunc intorreo fune reuinctum,

Obstrictumq, ratis lateri, patrijsq. sub vndis
 Pabula captiuo noctesq. diesq. ministrat:
 Affixa est leuo lateri nam lignea sedes,
 Quam colit, equoreas cum voluit turbidus vndas
 Auster, & ex alto cadit imber, & Eurus arenas
 Attollit supra scopulos: tunc sueta sub alto
 Fornice tecta habitat, tutusq. quiescit in vndis.
 Luce noua piscosa tenet loca nauta profundi,
 Et secum ducit vinctum per cœrula piscem:
 Atq. vbi squamosam prolem per marmora cernit,
 Demittit subito funem: tunc ille per æquor,
 Ceu liber vinculis, graditur, secumq. rudentem
 Ducit, & errantem sequitur per cœrula prædam:
 Sic contra ruit hos animis, & robore fidens.
 Impositam dorso pellem mox explicat omnem,
 Implicat & piscem coniecta pelle, capitq.
 Intrepidus, spinisq, ferit (nam carcere nigro
 Hunc frenat.) tunc nauta vigil de gurgite funem
 Paulatim trahit ad littus, captosq, sub vndis
 Luctantes simul adducit: sed cum prope terram
 Accessit noua præda, leui piscator in altum
 Dat sese celerans saltu, turbamq, per æquor
 Sustinet: accurrunt comites, pariterq. labori
 Succedunt: at piscis ouans captiua tenaci
 Corpora rete tenet semper, semperq, teneret
 Impavidus, patrio dum viueret æquore: sed cum
 Calum haurit, pellem laxat, piscesq, relinquit,
 Et celer æquoreis mox sese fluctibus abdit.
 Ille etenim cœlum hoc nostrum, non æra nostrum.
 Ferre potest; ideo nautæ piscem æquora supra
 Tollunt, vt clausam linquat viso ære gentem.
 Sæpe etiam varios glomerato examine pisces

*Insidijs capit, & visa testudine contra
Tendit iter : nam dum placido noua pabula querit
Concha mari, tenet ora sua non præsca mortis
Exerta, & nullas pascens timet equore fraudes.*

*Hic piscis maria alta colit, piscator & omnis
Vnum habet, facilisq, vnda quærentibus ille est
Quattuor hi conchas nobis, piscesq, dederunt.
Nos illis contra dedimus gratissima dona.*

*Pandimus has inter dum vero lintea terras,
Indigenæ ruere ad ponti caua littora gentes,
Et panem, & fructus, & secum ferre volucres,
Intentiq, oculis nostras mirarier alnos,
Dicere & e cælo nos descendisse supremo.*

*Insula sese etiam tractu tollebat codem.
Qua vidi tantum sinuosa ad littora toruo
Aspectu, turpiq, canes, quos educat illa
Barbara gens, illosq, neci demittit, & exta,
Cunctaq, membra coquit, mensisq, epulatur auitis,
Et consanguineas vocat ad conuiuia gentes.
Hos referunt sine latratu componere soles.
Vidi ego verberibus domitum, non edere vocem,
Non gemitus non latratus, dum linqueret auras
Vitales tandem sub fuste & robore torto.*

*Sed dum transirem has inter rapida æquora terras,
Apparent multæ non tuto in gurgite fauces
Angusti maris, hic poterat non nauita retro
Vertere cunctantes iam fesso remige puppes.*

*Pontus erat niue candidior, sparsusq, recenti
Lactæ videbatur passim candescere fluctus.*

*Luna tenebat iter medium sublimis Olympi,
Cum maris accessit scopulos prope littora tendens
Puppis iter, Zephyrisq, legens felicibus oras.*

*Dumq. darem Cubæ turgentia vela per undas.
Mons procul ostentat sese densissimus umbris:
Hunc subito fessi petimus, siluisq. subimus
Umbriferis, quarum summo de vertice fontes
Surgebant, raucoq. sono vada salsa petebant.*

*Hic pinus sese in cælum pulcherrima tollit:
Palmaq. summa ferit cæli conuexa flagellis.
Tunc nautæ ingressi siluas ligna arida ferro
Sciudebant, liquidiq. implebant fontibus urnas.
Hæc inter legerem sed dum freta concita terras,
Hic miles captare feras assuetus, opacam
Est siluam ingressus, vidit qui vestibus albis
Indutos homines usq. ad vestigia: qui tunc
Vertit iter, meq. admonuit vidisse togatam
Hoc nemore acrio gentem: tunc letus in altam
Immissi siluam selecto ex ordine certos,
Qui nemus umbrorum transgressi, haud tædere gressus
Incæptos potuere ultra: nanq. verba tegebat
Plurima planitiem camporum, aditumq. vetabat.*

*Tunc subito rediit miles, rediensq. ferarum
Grandia conspexit vestigia tramite in alto:
Percussusq. metu mentem rediit celer ad nos.*

*Parte alia siluam ingentem fragantia versus
Conspexi longè, quam vitis plurimus ambit
Pampinus, innectitq. comas, ramosq. vircentes.
Terram ad Hesperiam tali de vite racemos
Attulimus succo grauidos, dulciq. sapore.
Atq. grues magnas per pascua florea vidi.*

*Hos tractus regionis aquæ obduxere palustres,
In quibus ad littus conchilia lucida vidi.
At dum vela Notus tendit, flatuq. secundo
Aspirat nostris ratibus, procul ardua nautæ*

Culmi-

Culmina terrarum aspiciunt, lucosq. sonantes.

*Vertimus huc lati puppes, qua vasta secundum
Aequora se gemine tollebant rupibus aedes.*

*His domibus vir solus erat confectus & quo,
Et macie, & nulla velatus corpora veste*

*Hunc ducunt propere ad naues, & ad aequora, quæ mox
Didacus interpres dictis compellat amicis:*

*Et fari hortatur, cui sint hæc subdita regno
Littora, quæ ve habitent trans montis culmina gentes.*

Sed captus non dicta capit, nec percipit aure:

Ille tamen montem hunc ultra signisque manuq.

Monstrabat populum esse alium, regemq. potentem,

Qui sese indueret diuersis vestibus, ut nos.

Tunc cupidi versus inga celsa ratesq. sinusq.

Dirigimus primæ soluentes tempore lucis.

Dumq. maris molimur iter per cœrula, centum

Occurrunt nobis lintres, signisq. salutant:

Miranturq. nouas puppes, habitumque, virosq.

Armatos, ostroq. duces, auroq. nitentes.

Hoc etiam tractu longo conchilia multa,

Quæ baccas gignunt limoso in littore vidi.

Metenuit mora nulla loco: sed protinus ultra

Excurro: nec erat rupes, nec culmen in ipso

Littore, fumiferos quod non effunderet ignes.

Dum legimus scopulos, latebrosa q. saxa sub undis,

Et quæ spectabant Austrum, & quæ deniq. Eoum,

Tercentum positæ sinuoso in marmore terræ

Apparent, densis spectandæ frondibus omnes.

Inuitus tandem conuertere lintea cogor:

Nanq. omnis vario ventorum turbine puppis

Victa erat, & comites fessi, & fracta omnia nostra

Arma ratis longum ob cursum, & caua littora Cubæ,

Tarda q. classis erat, quæ iam mare lassâ vadosum
 Presserat, & laxis acceperat equora rimis:
 Panis, & Oceani emensis corruptus ab vndis
 Nauticus, atq. omnis rerum iam nauita fessus.

Mons erat ante oculos rapidæ præruptus aquai:
 Ut me tunc positum conspexi in limine leti,
 Susluli ad alta oculos supera, & sic voce parentem
 Unigenæ Christi lacrymis sum fatus obortis.

Dum nos hac classe exigua freta motâ tenemus
 Dauidica ô proles Virgo, qua clarius vllum
 Lumen, nec terre, nec habent celsa atria celi,
 Heu quianam tanti disiecta per æquora Cauri
 Prælia concurrunt inter se, haud ipse ego possem
 Soluere me his tumidis, nisi me Deus addiunct, (vndis.
 Respice nos, audiq. preces non (te duce) Syrtes;
 Aut Maleæ horrendas cautes, fluctusq. timebo.

Deinde ferit motum contis mare nautica pubes,
 Nec curat venturam hyemem ventosq. procaces:
 Haud longum in medio tempus, fracta versa quierunt
 Et circumstrati fluctus Zephyriq. resedit
 Spiritus, & calò tempestas clara refulsit.
 Tunc me me ad socios vertens sic sum ore locutus.

Vidistis maris insidias, murmurq. minasq.
 Ingeminare notos, piceamq. insurgere noctem.
 Mox posuisse notos, pacataq. murmura ponti,
 Et lucem Oceano, & terris rediisse serena.
 Sint quamuis sine nube dies, sine flamine noctes,
 Attamen hæc non fraude carent, nec credere nautis
 Huic monstro sese tutum est, nec lenibus vndis.

Sed dum nimborum crebrescere prælia sensi,
 Ipse sinum obliquo spirantia flamina contra,
 Et nautæ subigunt remis fera per freta puppes:

Vincta natat pinus, quanquam esset fessa profundo.

Dum redeo, Boreas me vexit in equora magnis

Plena adeo testudinibus, vt nauita cursum

Flectere non posset magna sine mole retrorsum:

Has fauces tandem euasi: mox æquoris alti

Immensum tractum inuenio, qui gurgite ab imo,

Scythonia magis albus erat niue, lacteq. puro:

Et passim niueis spumabant fluctibus vnde.

Ipsæ gubernator metuens vada prona, propinquum

Contorsit proram retro, qua venerat, & qua

Non spirant vada, nec scopulis immurmurat æquor.

Et (mirum) nobis Cubæ venit obuia pubes,

(Nam nullos mea gens populos turbauerat armis)

Plurima dona ferens ad nauem læta, palumbesq.

Ingentes, quorum spirabat guttur odores

Assyrios: nos tunc accepto munere læti

Vela damus: quos & quondam metus acer agebat.

In montes agitare fugam, nemorumq. latebris

Abdere se, nunc ad puppes, & ad ipsa ruebant

Sponte vada, & nostræ gratissima munera classi

Portabant panem, & lympham, viridesq. volucres,

Et varios fructus, quos tellus illa ferebat:

Hanc gentes quæ tunc habitabant littoris oram

Quod rectum est seruant, viuunt sine legibus ullis:

Iudice non illis opus est, hi turpia damna

Non norunt, ulli ne nouas intendere lites.

Omnia sunt illis communia gentibus, vt Sol,

Et Luna est: atq. arua colunt quantum indiget vsus:

Nec quisquam seruat sua prædia: multa supersunt:

Iugera, queis illic committere semina possent:

Non habet hæc regio felix regem ve, tyrannum ve,

Aut ciuem vitas, & crimina castigantem.

Oppida non cingunt muris, non sepibus arua:
Mairiamq. colunt tantum, iuccasq. agiesque.

Hinc ego discedens iterum rediturus easdem
In partes sub casum hyemis, placido feror Euro
Iam: cum ad terram tepidum qua spectat ad Austrū.
Et latera illius vidi, & nemora ardua longe,
Et passim virides hortos, benevolentiaq. arua:
Ipse viam hanc alacris tranquilla per equora iniiit
Atq. ignota mihi nemora, & non parua fluentia.
Dehinc sancti portum Nicolai intramus, ibiq.
Acceptit statio fessas tutissima puppes.

Portus erat circum saxis incinctus, & alto
Gurgite stagnantis ponti, quo clausa silebat
Vnda, nec horrifonos fluctus, ventosq. timebat.

Maxima dum vero, Quiqueiæ stagna secabam
Per maris irati rabiem perq. horrida saxa.
Querebam vigil ipse locum, quo condere possem
Portu procuruo fessas cum remige puppes,
Me Deus interea haud liquit, dum Solis in ortu
Aspexi terram, quæ respondebat Hayti
Littoribus curuis contra, quam nomina dicunt
Adamanam indigenæ: validis has inter vtrasq.
Deferor impulsus ventis, ubi nocte sequenti,
Passa suo de more graues est Luna labores.
Tempestate eadem quinq. horas, atq. trientem
Cognoui Gades inter differre: marisq.
Quos ego sulcabam: abrupto cum sidere, fluctus:
Turbati quæ causa maris fuit, atq. procelle.
Cetæ instar monstrum horrendū freta turbida tranās
Venturam ob tempestatem, nec habere receptus
Iam tutos poterat, ponto se immiscuit atro.
Tunc ego me in portus penetralia: & in caua saxa
Addideram

*Addideram multos soles: sed post ubi vidi
Pacatum pelagus, direxi carbasa versus
Optatos portas, speratę & culmina Hayti.*

*Hic ubi germanumq. meum, comitesque, reperi
Omnes incolumes, populum & parere volentem,
Atq. nouam struere est visum hoc tunc tēpore puppē,
Quassatasq. Notis aliquot sarcire carinas.
Miles tela nouat, discissaq. carbasa nautę,
Cum grauis Autumnus siluis ponebat, & aruis
Innumeros latis fętus: reditumq. parabam
Cannibalum in terras, ut possem exurere sedes,
Illorumq. rates flammis, & perdere ferro:
Vicinasq. illis gentes, populumq. timorę
Soluere finitimum: sed enim grauis occupat ossa
Morbus ob insomnes tot ductas per mare noctes.
Semianimisq. dehinc Isabella uectus ad urbem
Me leto tandem eripui, rursusq. redire
Vinique, frugumque, oleiq. coegit egestas
Littus ad hesperium. namq. illis nauita noster
Non poterat, milesq. cibus assuescere, quos fert
Insula; ad Hispanum decreui tendere proras
Euenere mihi sed quę prius ordine dicam.*

*Nos Vrbes geminas populi ut fundasse, nouasq.
Aedificare domos uidere, & tollere calo,
Cingere & ingenti fossa, & circundare uallo,
Et premere imperio terras, atq. æquora circum,
Confestim exarsere animis, petiereq. castrum
Unanimes Diui Thomę cum milite multo:
Vallaruntq. noua muros fossa, atq. corona.
Cuius erat dominus tunc rex Caunobęa gente sq.
Illius mensem totum obsidione tenebant:
Haud pauidi nostros in pręlia seuā vocantes,*

Nam castrum posui dictum de nomine Thome
 Aeterno rerum domino in regione Cibaui.
 Saxeæ sitq. licet tellus, vaga flumina multo
 Attamen effulgent auro, cum præcipue sunt
 Imbris aucta, trahunt madidis de montibus aurum.

Actutum hanc arcem præcinxi cespite vino
 Permisistis fruticum virgis, & robore secto,
 Et trabibus fractæ vicino in littore puppis:
 Ut sese posset defendere miles ab hoste

Inclusus, si qua interea sors aspra fuisset:
 Delegiq. locum supremo in colle, procul qui
 Spectabat regionem omnem, montesq. remotos.

Hanc arcem intrauit bello præclarus, & armis
 Margaritæus princeps, dehinc ductor Hoedas:

Hoc castrum indigenæ se vincere posse putabant,
 Ut Guacanarillus quondam, qui funditus arcem,
 Quam nostræ fecerè manus deleuit, & igni
 Tradidit, & nostros vita spoliavit, adessent
 Cum pauci, & rex rupisset sædusq. fidemq.

Sed cum cœpisset magnum increbrescere murmur
 Obsidione premi nostros in monte Cibaui,
 Armari pedites iussi, lectamq. cohortem,
 Infrænare lenes currus: tunc cornua rauco
 Clangore instrepuere cauum per inane, frementesq.
 Alipedes in bella mouent, grauitèrque inuentus.
 Sequit, ob obscuro socios in carcere clausos.

Mox iter arripere duces nullo ordine: sed cum
 Hæ gentes videre procul volitantia signa,
 Deseruere locum, & montes petiere supremos.

Hoiedas, cui credideram noua mœnia castri.
 Iam liber, certos duxit, certosq. reliquit:
 Qui curam gererent arcis: mox obuius illis

Processit, qui subsidio sub nocte serena
 Ibant, tunc acies iunctæ quæq. obuia morti
 Corpora dant, mox Hoiedas se contulit ad nos,
 Et totam seriem facti, remq. ordine dixit.

Illum ad Caunoboam decreui mittere regem :
 Vtlerius bello vt nollet contendere mecum,
 Suaderetq. illi iniustis discedere ab armis:
 Inter nos coeant potius sed fœdera pacis.

Dumq. moram traheret magna in regione Cibaui,
 Missi etiam legati aderant mandata ferentes
 Ad regem, vt gentem sumptis detruderet armis :
 Quæ duro imperio circum sua regna tenebant;
 Quorum vnus, coram alloquitur, rex inclyte, tu nunc
 Non ne vides gentem hanc nostras subiungere terras
 Imperijs ausam, & tot vectigalia nunquam
 His nostris audita locis imponere, circumq.
 Aequoreos alias sub leges mittere tractus,
 Condere & his nostris etiam noua mœnia terris?
 Illorum tanta est animis innata cupido
 Rumpere tranquillam pacem, & longa otia nosq.
 Cogere seruitio, & duro parere tyranno,

Quin etiam (heu facinus) nostros infringere dicunt
 Velle Deos, sese penitusq. abolere, parantq.
 Ipsorum sacras euertere protinus ædes.

Agricolæ infundunt patrios non amplius agros,
 Maiciq. solo non mandant semina, at aurum
 Impulsi inquirunt per terræ viscera tantum,
 (Pro dolor) vnde fames nostris regionibus orta est.
 Quid referam? vxores nostras rapuere parentum
 E manibus, gremijsque, fuit non tuta iugales
 Nondum experta toros virgo: prædaq. recenti
 Ducti, & auaritia sese inuoluere rapinis.

Matresq.

Matresq. & consanguineos, abductaq. furtim,
Pignora, ab insolito miserescere milite deflent.

Ne dubita, cuncti uenient in fœdere reges
Finitimi, sparsæ circum hoc toto equore terre,
Auxilioq. omnes uenient: Sed rem tibi dicam,
Quam forsan minime reris: gens aspera bello,
Atq. a stirpe genus durum: hoc immite licet nunc
Sit nobis, regnisq. alijs, tamen arma capeffet
Hos contra, cum nos uictos, aliosq. uidebunt,
Illud idem tecum facient: quos seuus aperto
Aduena hic, insequitur bello, terraque, marique.

Auxilioq. aderit nota insula Madanin,
Quam Caribum uxores habitant, gens effera sumptis
Arcubus, & iaculis: ullos quæ non timet hostes,
Aduersaq. acie pugnant non uulnera uitat,
Tendit in hostiles eadem quot tela phalangas:
Impia contento tot uulnera dirigit arcu.

Talia huciferans, cunctis mirantibus, aulam
Orator strepitu ingenti, fremituq. repleuit,
Impulit, & capere arma; locumq. inuoluere flammis.

Parte alia Hoiedas suadebat fœdera regis
Iungere, amicitiamq. nouam cum rege potentis
Hesperie poterat solus qui uincere gentes
Occiduas, nedum hos populos: quorum otia tantum
Delectant muliebre animum, non bellica uirtus
Verborumq. memor sit rex, quæ plurima Cemes
Iam cecinere sui: stabat uelut ardua cedrus
In Lybano sita: quam Boreæ fera uerbera flectunt
Huc illuc, coguntq. comas contingere terram
Interdum, lapsasq. ferunt per inania frondes.

Blanditijs tandem, atq. astu deduxit Hoedas
Ad me Cannoboam regem: qui post ubi captum

Se uidit, animum varias conuertit ad artes,
 Conscijs ipse sibi scelcris: nam fortia leto
 Viginti dederat nostrorum corpora nuper.
 Non aliter frendet, quam lapsa in retia tigris,
 Quæ modo vi propria, modo dentibus & modo aduncis
 Vnguibus, aut astu perrumpere vincula tendit.

Admonet & fratrem collectas ducere gentes
 In bellum: mora nulla vocat germanus in arma
 Subiectos fratri populos, vicinaq. cogit
 Auxilia, & vastant cultoribus arua remotis.

Horridus ante aciem in iaculis, vultuq. minaci
 Caunobæ germanus erat, nec terruit illum
 Armorum longe fulgor, sonitusq. tubarum.

Hic gentes in quinq. acies diuiserat, & dux
 Expertus bello pugnas de more ciebat,
 Atq. instigabat letis clamoribus alas,
 Opposuitq. suas contra agmina nostra cohortes,
 Stans medius. cernens Hoiedas tutius esse
 Leuam aciem nostris armis inuadere: aperto
 Agminibus quam tot iunctis concurrere bello.

Dehinc dubius. steterit an primum prosternere nodum,
 An dextrum vellet peditum, cornuue sinistrum
 Immissis turbaret equis: ceu seuæ leuæ:
 Quæ videt in specula siluis errare iuuenços,
 Parte alia gregibus permistos carpere gramen
 Intonsum cernit subter nemora ardua tauros.
 Illa animum rapit buc illuc, an florea cursu
 Præta petat, laceretq. gregem, pariterq. iuuenços
 Inuadat, dubia: in tauros resoluta feroces
 Vertit iter: sic Hoiedas cum milite lecto.

Aggressus cuneum est dextrum: nam dehinc ubi uidit
 Illorum ductor, princepsq. expertus, Hoedam

Fulgentem phaleris, flammæsq. vmbone vomentem
 Et galea, secumq. metum, strepitusq. ferentem
 Ignibus immistos, & equo clypeata regentem
 Agmina: non aliter pugna perterritus hæsit,
 Quam lupo, Atlantis sequitur dum per iuga tauros,
 Aeria longe spectans de rupe leonem,
 Perfusus latos humeros, atq. ora cruore.
 Olli animus subito iniecta formidine torpet,
 Nec versare dolos, audet nec fidere cursu,
 Non animis contra ire cupit. verum ille ubi vidit
 Iactum intra teli pugnam aduentare, remissis
 Tunc loris equitum erupit clamore, & equorum
 Pectoribus strauit pugnantum pectora cursu,
 Et belli nodo, leua de parte timorem
 Immisit: fugere alij per prata, cauasq.
 Per rupes, tenuere viam, pacemq. petebant.
 Ductorem belli captiuum duxit Hoedas.
 Exultat sonipes nudis immittere turmis
 Terrorem, atq. metu patrijs hos abdere siluis
 Accidit & nostris sors hæc aduersa carinis,
 Impedit quæ classis iter: nam sideris ortu
 Sub Cancrî Eoo surgens de cardine venit
 Turbo ingens: qui præruptis radicibus imis
 Euertit, strauitq. solo, & nemora ardua longe
 Planitiem in latam traxit, piceasq. procellas,
 Et tumido fluctu radiantia sidera tinxit;
 Immersitq. rates vndis, & vincula rupit,
 Namq. mare in terram irrupit cum turbine vasto;
 Quicquid & pariter littus, vicinaq. ponto
 Proluit arua, domosq. maris deuexit ad vndas.
 Iamq. fere amissis ratibus in gurgite, tristes
 Pectore voluebam curas, hinc bella premebant
 Canniba-

*Cannibalum: hinc tanto quassata turbine puppes:
Hinc fessi comites, illinc penuria rerum.
Hęc animis potior nobis sententia surgit:*

*Iussi ego tunc subito geminas aptare carinas,
Atq. rates refici, perfractaq. transtra nouari.
Certatim socij incumbunt, & in aquora classem
Deducunt, Taurus cum sese attollere cęlo
Inciperet. nos exorto iam Sole tenemus
Aequoreos cursus ratibus: sed fratre relicto,
Qui late regeret populos, & quem penes esset
Imperium maris Oceani, atq. exercitus omnis.
Ducebam mecum hos geminos per cęrula reges:
Hi testes mihi sunt proceres, quos non mala febris
Corripuit, non morbus edax męrentia pressit.
Corpora, sed miseros dolor ingens abstulit, vt se
Viderunt duci captos ad regna potentis
Hesperig, quam diues aquis fecundat Iberus.
Aduersa redij sine tempestate remenso
Aequore, ad optatos portus solita vrbe morantem
Inueni propere regem. rex protinus armis
Instruētas octo puppes, atq. æra, manumq.
Lectam hominum, viniq. cados, frugesq. ministrat,
Atq. illas soluens Hispano ę littore tandem,
Deueni exiguam tota cum classe Maderam,
Et misi ad fratrem naues: mala & aspera sed sors
Quicquid nobis inimicas detulit oras,
Roldanus quas, & socij ditione tenebant.*

64
DE NAVIGATIONE
CHRISTOPH. COLUMBI
LIBER TERTIVS

ARGVMENTVM.

Infames fuit Hesperidas; prope deperit æstu
Dū venit ad Pariā: hic mores, gen^o, & loca discit:
Post Manacumanam terrā ditemq. Cumanam,
Curianamq. legens, Quiqueiē constitit aruīs:
Mittitur ad regem vinctus; nil tale merentem,
Rex lenat amplexu, ceptosq. hortatur ad ausus.



NDE ego digrediens ternis cum puppibus
æquor

Excurro maris, hic sparsas per tot vada
terras

Inuenio, quas Hesperidas coluisse superstes
Fama refert: has infectas vitio aeris oras
Effugimus, densaq. simul caligine calum.

Dehinc testudinibus plenum tandem ad mare veni,
Applicuiq. rates vicini ad littoris oram,
Quod gentes habitant diuersa per æquora velta,
Quas scabies mala pertentat, quam sanguine largo,
Et gelido illarum tingunt, niueumq. colorem,
Inuisamq. luem toto de corpore pellunt,

Insula non longe posita est, quæ vertice ab alto
Et circum latera, & circum iuga celsa ruebat
Ignitos cæli rapido cum turbine tractus,
Cum spirant ualidi Auroræ de partibus Euri,

Et

Et caua percurrunt immixtis flatibus antra,
Ardentesq. globos flammaram ad sidera voluit
Sulphureo immixtos fumo, atq. bituminis aura.

Non secus Aetna solet luce expirare cauernis
Sicanis volucres fumos, & noctibus ignes.

Atq. viam tenuit vasti maris area pinus
Australis, tandemq. in feruida marmora ponti
Rumpimus, hic calor Austrinus membra, ossa, medullasq.
Intrabat, nec erat requies: nam mole fluebat
Corporea immundus sudor calefactus, & aer
Pene ipsa vrebant caua vela, grauisq. carinas
Vexabat fessas pelagi sine murmure feruor:
Atq. cados aestus scindebat, & arida transtra:
Nauita nec poterat tantos perferre calores.

Et tunc tempus erat, quo messor letus aristas
Colligit, & late Cancris sub sideris ortu
Aestuat omnis ager, campi q. ardore debiscunt.
Interea hic octo soles sine flatibus ullis
Ventorum, placidus tanto in discrimine pontus
Oppressum me detinuit, ubi nulla salutis
Spes erat, & iuuat nos tunc densissima nubes,
Quae texit spatium hoc ponti, nostrasq. biremes.
Hic ego me calo vertens sum talia fatus: (Etum

Eripe me his, PATER ALME, malis, et per mare ve-
Respice in infidas syrtes, da tendere cursus.
Posse ratem ad portum, tantosq. auertere casus.
Adsis o VIRGO ALMA precor sanctissima, namq.
In sua vota vocat te nauita, cum mare fundo
Aestuat, & rapidi volunt freta feruida venti.
Inq. fugam infesto conuersus miles ab hoste
Te semper vocat auxilio: siluisq. viator
Luciferi insidijs hominum deprensus in ortu

*Alta suos tendens ad celi sidera vultus,
 Latronum duce te sperat se euadere fraudes,
 Vnigenamq. tuum, mihi qui Dominusque, Deusq.
 Et fuit, & mihi semper erit, ne deserat, ora.*

*Nec mora spirarunt vulturni flamina, & equor
 Per placidum puppis fertur, rostroq. profundum
 Tranquillum ruit huc illuc, versusq. cadentem,
 Qua longe montes aperit, siluamq. comantem,
 Impello Solem puppes, & currimus vndas.*

*Tunc noster sese vertex subducere cœpit,
 Astrorumq. alios hunc contra aspeximus ignes,
 Atq. aliam celi faciem, quam noram ego primum
 Esse plagam austrinę partis: nam sidera nostris
 Elucent magē, temperies mitissima passim est.
 Ipsa ratis vasti dorsum maris asēdebat.*

*Haud secus, ac celsum montem: sed non tamen vlla
 Ardua terrarum prope, vel longinqua videbam.*

*Tunc nos ignariq. vię trepidiq. calore,
 Protinus executimur longinqua per equora cursu.
 Atq. iterum sese nostris ostendere cœpit.
 Luminibus cœlo vertex sublimis ab alto.
 Tertia lux tandem nebulis crupit, & alto
 Pulsit, & ē nostris æstusque, calorq. recessit
 Ossibus, & membris venit vigor: inde per equor
 Ignotum tentamus iter, quo marmore vasto
 Nulla videbatur circum se attollere tellus.*

*Constendit malum Mendez ut cernere posset,
 Eminus Oceani tractus, tunc lumina vertens
 Ad nos exclamat, longe se cernere terram,
 Quę montes ternos monstrat, siluamq. comantem.
 Quo læto clamore, dolor procul absuit omnis,
 Et solita vires animo rediere, abijtq.*

Pallidus

Pallidus ore color, nosq. anxia cura reliquit.

Sed non hoc potui propter vada proxima littus

Cernere: tunc illic silvas, & prata sub umbris

Arboris, & littoreo benevolentia tractu

Gramina, & halantes conspexi floribus hortos.

Persequimur nostros cursus: tandemq. sub ortu

Auroræ, & Solis radiantia lumina contra

Tangimus ingentem portum, quum lucidus inter

Signa Leo late attollit humerosque, iubasq.

Fulgentes, & triticeas terit area messes,

Agricolamq. labor durus sub Sole fatigat.

Portus erat prope fontis aquam, quæ, tramite lapsa

Gramineo mites vndas, littusq. petebat.

Huc nobis visum est defessas condere puppes,

Compagesq. simul quassas coniungere, & arma

Instaurare ratis, curare & corpora fessa.

Indigenæ nulli hanc littus, terrasq. colebant.

Hisq. locis noui vestigia multa ferarum:

Vicinumq. nemus tacitis accedere remis

Aspexi cymbam, quæ per vada salsa vehebat.

Proceros membris iuuenes, quibus arma sagittæ,

Scutaque, & arcus erant, semiustaq. cuspide tela.

Longa his casaries, & non intorta fluebat

Per latos effusa humeros, nigrantiaq. ora.

Inguina gossipio cuncti, mistoq. colore

Velabant, vittisq. femur, sed cætera nudi.

Ipse hos & signis, & leta voce vocabam:

Queis non visa prius ostendi munera longe,

Et specula hinc catybe emitido, paterasq. figuris

Diuersis auro pictas, varioq. colore.

Acra foraminibus pertusa, & coneaua dulces

Tinnitus longe edebant, strepitusq. canoros.

Tincta colore rubro ramosa coralia pansis
 Portabant nautæ manibus. sed post ubi vidi
 Nescia muneribus nostris mansuescere corda,
 Detorsi hos contra lecto iam milite proram.
 Illi autem validis conatibus impellebant
 Per pelagus retro lembum: nec dona putabant
 Nostra carere dolis: qui non caua vela, ratesq.
 Cessabant spectare oculis, atq. arma, tubasque,
 Atq. intertextas argento, & murice lenas,
 Et longe rauca stridentia tympana voce.

Tunc ego conspiciens oblato munere me nil
 Proficere, hic iussi iuuenes inflare cicutas,
 Atq. ebur, & cantus prora exercere vicissim:
 Ducere, & assuetas sublimi in puppe choreas:
 Illorum ut sonitus animi dulcedine motis,
 Ne fugerent: Cymbam sistunt, remisq. relictis
 Arma manu intrepidi rapiunt, cantuq. vocari
 Insolito sese in certamina dura putabant,
 Ignari sonitus litui, vocumq. canentum.

Nostrorum pars tela manu, neruoq. sagittas
 Aptabat, nec non pugnae se quisq. parabat.
 Hi tandem pacati animos ad carbasa tendunt
 Descenduntq. simul, sequitur quos cætera pubes:
 Atq. inter sese signis, nutuq. loquuntur:
 Illi sed postquam rectorem accersere puppis
 Me dextra videre, ruunt ad littora, & alnum
 Conscendunt veriti insidias: volat illa per vndas,
 Quos non insequimur: sed recto tramite vasti
 Prosequimur pelagi tractum, quo non procul ingens
 Cursus aque liquido veniebat ab æquore, qua Sol
 Surgit, & occiduas tendit se vertere ad oras.

Iniux erat nautis, & non tractabilis vnda,

Quam tenui, & fateor toties me mille procellis
 Iactatum, atq. in vota Deum me sæpe vocasse,
 Qua late feruet Scyllæ tumida vnda sequacis,
 Non me vexauit tantum tamen vllus in vndis
 Terror, & indomitum medijs in syrtribus aquor.
 Ulteriusq. ruens in aperta pericula, tandem
 Inuenio immensas hoc ipso in littore fauces:
 Ad quas ille ingens fluxus tendebat aquarum,
 Et se condebat sinuoso hoc gurgite ponti.

His ego nauifragis decursibus ora Draconis
 Ex re cui tunc dixi nomen. iacet insula iuxta
 Cineta mari, non illa vllis habitata colonis.
 Huic Margaritæ mihi nomen ponere visum est.
 Nonnullos cursum tenui per marmora soles
 Dulcis aquæ, quantoq. magis, Granuella cadentem
 Carbasa vertebam ad Solem, tanto magis amnis
 Gratus erat: tantus sese erumpebat aquarum
 Impetus in pelagi fluctus e faucibus alti
 Fluminis occurrens falsis resonantibus vndis,
 Atq. inter sese veluti certamen inibant.
 Altus hic ad leuam præcelso vertice se mons
 Tollebat celo, quem simius ora colebat
 Horrida habens, nigrosq. oculos, caudamq. reflexam.
 Nudum litus erat, nulliq. habitabilis ora.

Descendunt pauci in terram, qui sat bene cultos
 Passim agros cernunt vacuos cultore, domusq.
 Exiguas, qui forte habitabant montibus altis.
 At latere e montis læuo videre patentem
 Planitiem, quam nos petimus: vñere sed ipsi
 Indigenæ, externas visuri ad littora gentes.
 Tellurem hanc Pariam signis, & voce vocari
 Nouimus, & plenam populis, atq. vberem campi.

Moribus hæc facilis gens est, membrisq. decora.
 Quattuor indigenas mecum per cerula vixi,
 Ut loca uel signis circum, nutuq. notarent.

His mihi non visum est Pariæ considerare regnis.
 Sed dum littoreos me velle capeffere tractus
 Abnuerem, procul ecce ruit gens nuda carinas
 Visendi studio ad puppes, classi q. propinquant
 Certatim innumere scindentes marmora cymbæ.
 Puro colla auro ornati, gemmisq. lacertosq.
 Armillis, petij signis quo littore baccas,
 Totq. auri massas legerent. tunc barbara pubes
 Per nutus responsa dabat, gemasq. repertas,
 Atq. aurum fulua inuentum monstrabat arena.
 Armatos ego tunc vicina ad flumina misi
 Qui pelago, & siluis loca proxima cuncta notarent.
 Horum ductor erat miles: qui vidit in orbem
 Constructas edes, nigroq. sedilia ligno:
 Ast operosa tamen portant in vespere fructus
 Ignotos penitus nostris, varioq. colore:
 Alba ferunt, necnon & vina rubentia secum:
 Non vuis expressa, tamen gratissima vina,
 Fructibus innumeris facta, & piuiualibus vndis.

Sunt albi indigenæ, mites, placidique, nec vllum
 Ipsorum hospitio domibus, non eminus arcent.
 Inguina gossipio velant, ac cætera nudi,
 Qui vero missi fuerant exquirere montes;
 Vicinosq. sinus, redierunt ad caua leti
 Littora, baccarumq. simul candentia ferta
 Portarunt, viniq. cados, fructusque recentes.

His trahere haud sinere diu me tempus in oris
 Vndis corruptæ fruges: sed linquere visum est
 Has terras, iterum inuisuro vere sequenti.

Has Manacapanam indigenę, ditemq. Cubanam,
 Curianamq. vocant felices vberē campos.
 Et vetuere aurarum animę, pelagusq. vadosum,
 Pręcipitesq. maris cursus, nam turbine magno
 Ipsa monebatur huc illuc regia puppis.

Syrtibus his tandem & breuibus, dubijsq. periclis
 Emersi classe incolumi, vada pręteruectus
 Saxeę: dehinc tenui iam lasso remige tractus
 Ingentis Parię, credens hanc esse marinis
 Fluctibus incinctam & metuens, dum vela per oras
 Occasus tendo credens me posse tenere
 Littora Quiqueię: classis deuenit in altum,
 Et rapidum flumen, cui cedat turbidus Ister,
 Et Nilus: quamuis magno comitatus aquarum
 Agmine septenis campos maris intret apertos
 Fluminibus paulo vltcrius mox męstus ad ipsum
 Occasum Solis verrebam cęrula classe;
 Queis passim (nam vera loquor) viret herba profundo
 Remigijs innisa: rates fluitantia ponto
 Semina tardabant virides imitantia baccas
 Lentisci, Lętaeq. maris sub fluctibus herbę:
 Sed cum mę in vastoq. sinu, ignotisq. viderem
 Herbis implicitum, verto mea vela retrorsum
 Ad Boream, fluctusq. seco Quiqueia versus
 Littora, quę tandem iam nota per æquora vęcti
 Prendimus, optatasq. diu deuenimus oras:
 Cum grauis Autumnus fructus ostenderet altis
 Arboribus, summisq. in collibus vva ruberet.
 Pauca super celebri dicam, PERENOTTE, Quiqueia:

Has inter fama quę non est vltima terras.
 Castaneę similis folio est hęc insula vasta
 Cincta mari: circum innumerę quę mille coronant

Portusque, & liquidi fontes, & stagna, lacusque.

Hæc gens natura est facilis: nam poplite flexo

Ipse salutabam quoties de more Parentem

Unigenæ Christi, genua inflecebat, & altam

Ad cæli sua tunc vertebat lumina sedem:

Hæc minor Hesperia paulo est: quam quattuor inter

Flumina lata fluunt, quæ delabuntur ab altis

Montibus in medio positis, quibus insula surgit.

Iunna petit nitidi resonans ingentia solis

Lumina, & Eoum littus, Iacheq. secundus

Voluit in Oceanum cursus, quæ persurit *Auster*.

Tertius incuruo decurrit Naiba cornu

Horrificum versus Boream, gelidosq. triones.

Quartus Atibunicus tendit, quæ lucida solis:

Lampas ad Oceanum vergit, rutiloq. recedens

Lumine sideribus terram, noctemq. relinquit.

Quattuor hæc nunquam robustus flumina fossor

Aggeribus fama est, cingit, vel cespite vallat:

Attonitus sata læta videt, non vœta per agros.

Vndantes, non vœta natant, non flumen abundans

Inuoluit homines vndis, aut ordea fossis.

Deducuntq. rates remis, sed palmula nostris

Longe est dissimilis mage, lataq. & a quore lembum

Brachia lenta trahunt, dehinc retro brachia ducunt,

Namq. carent scalinis, ubi possint ponere remos,

Quique in cunctis fodiunt regionibus aurum:

Cibao tamen in tractu, magna. Cubana.

Est facile, illud enim non sese abscondit in altis

Visceribus terræ, at primo se ostentat ab ictu

Cuspidis incurvæ, dum terram scindit agrestis.

Sæpe etiam effossis fluuiorum queritur alucis,

Quæ rutilant vndæ: sed cum cadit humidus alto

Humor, & undanti tellurem verberat imbre,
 Tunc mistos auro latices vaga flumina ducunt.
 Et parvus labor est ipsis: nam cerula subter,
 Atq. lacus, fluuiosq. natant: nec flatibus Austri
 Terrentur, subita nec tempestate recedunt,
 Pars implent cumulo vannum fluuiialis arene,
 Quem manibus geminis quatiant: illa acta sub auras
 Effulgens flauis aurum secludit arenis:

Non baccis gemmisq. carent hec flumina, & omnis
 Quiqueis sinus, atque eadem sunt monte Cibaou.
 Auri terra ferax parua in ditione Cotoi est
 Qua si quis topum frangat, vel saxa cauernis
 Inclusa, apparent auri vestigia fului:
 Et venæ elucent effossis rupibus auri.

Iamiroæ flumen qua miscet se equore fons est,
 Qui subter mare se condit & rursus ad auras
 Occulto rediens saxoso erumpit hiatu:
 Indicio est immissus aquis ex subere cortex
 Aridus aut folia Autumni labentia ramis,
 Quæ collapsa fluunt vna cum fonte sub antris
 Oceani, latebrisq. cauis, & vecta superne
 Illo eodem ostentat vasto se rupis hiatu.

Hæc tellus est cinctâ mari, densisq. cauernis:
 Piscator colit hos scopulos, atque equora tantum,
 Lintribus exiguis, quæ sunt sat proxima: nam sex
 Millia Quiqueis distant à littore magnæ.

Effodiunt hac electri regione metallum;
 Quod graue, quod solidum atq. sonans, fuluoq. colore est.

Succinaq. his etiam nascuntur montibus, ipsisq.
 E specubus stillat flauus color, egregiusque,
 Acceptusq. ideo, & gratus pictoribus: illis
 Nascitur atq. frutex siluis, qui grana coloris

Producit

Producit rubri tingendis vestibus apta
 Scriptores fruticem hunc coccum dixere Pelasgi:
 Dulcis aque, salseq. lacus sunt montibus illis:
 Planitiesq. alij in lata, quos verberat amplis
 Retibus, & funda pisces, prædamq. reducit
 Ad ripam piscator. ego hunc fallacibus hamis
 Edocui errantes per stagna liquentia pisces
 Fallere, & intextis illos includere nassis:
 Conficere atq. hamos docui, & detoxere nassam.
 Nam capere hac nostra non norat arundine prædam.
 Hic nasse non usus erat, non tortilis hami.

Vere nouo vixit herba comis graueolentibus, et cum
 Ingruit æstatis feruor, nec tempore desit
 Autumni, aut cum senit hyems, cui Bagua nomen,
 Exiguamq. illis nec dant sua flumina victum
 Stagna, lacusq.: legit piscator callidus herbam hanc
 Atq. minutatim tundit, spargitq. per undas,
 Queis mista attonitos pisces facit, hosq. vagantes,
 Atq. supinatos in aqua, non retibus illi,
 Sed manibus viuos captant, mos hic quoq. nostris
 In fluuijs seruatur adhuc, cum sænore multo.

Ocia amant, nemorumq. leues cū cantibus umbras,
 Lususq. & thoreas nitidi prope fontis ad undas.
 Non opus est illis bis tinctas murice lenas
 Induere, atq. vias auro, quas sæmina Coagula
 Disposuit. uiuunt nudi, & mollissima semper
 Illic temperies videt, nemora ardua longe
 Frondent, & mites pendent ex arbore sætus.

Hic genus aucupij (uisu mirabile) dicam
 Quo lacubus captant volucres, undaq. palustri.
 Namq. lacus circum volitat immensa uolucrum
 Copia: diuersis magnam quæ piscibus explent

Ingluuiem, atq. herba uiridi quę plurima fundo est.
 Hic mergi stagna ipsa colunt, coruiq. vagantes
 Humidaq. herbosis detondent prata sub undis.
 Hic olor albus, anas, uarię fulicę, hic caput anser
 Ostentans rutilum stagnis, cui corpore toto
 Candor inest niueo montana ligustra colore,
 Intactasq. niues superans floremq. Hiacynti.

Nascitur intra hortos, sepemq. cucurbita uentre.
 Immenso: cui parua parens est arbor Hibura:
 Protinus hanc assuetus aquis saxo canat auceps,
 Et siccat sub Sole: lacusq. & stagna per alta,
 Perq. andas late spargit: huc fluctuat, atq. huc
 Illa lacu, qua confidit genus omne uolantum
 Stagna colens, liquidosq. lacus, crassasq. paludes.
 Accedit mox ad ripam, & nigrantia colla,
 Et caput, & latos humeros includit inani
 Corticemq. hinc terebrat, qua spirat anhelitus, & qua
 Cernere pascentes possit per stagna volucres.
 Artibus his fretus summo tenus ore liquores
 Ingreditur, uolucramq. petit densum agmen, & una
 Per stagna incedit tacitus, centumq. uagatur
 Alitibus permistus, auesq. intercipit arte.
 Incantas, captatq. dolis, nam dum caput undis
 Demittit uolucris, rimatur & humida rostro
 Stagna, ribos passim non alto in gurgite quęrens,
 Dextraque, leuaq. caputmersum implicat auceps,
 Frangit & actutum guttur, prædamq. reponit
 Extinctam leuo lateri, qua mantica pendet:
 Perq. pedes etiam dextra furtim capit auceps,
 Dum late strepitant in aquis, & roribus alas
 Persundunt, alisq. vocant bipatientibus imbrem,
 Quo plausu percussa sonat mota unda. sequentes

Nec sociæ torrentur aues, fugiunt ve, sed illam
 Sponte putant demersam vndis, solamq. vagari
 Per laticem & solitas lymphis stagnantibus escas
 Quærere, vel subter nando percurrere ripas.
 Plurima nam fluitans per stagna cucurbita tutas
 Reddit ab insidijs anates, aliasq. volucres.
 Sæpe sedet capiti volucris, quæ non timet vllas
 Tunc fraudes, lacubusq. volat reuolatque, iterumq.
 Aucupis insidit capiti: dumq. ille sub vndis
 Spectat aues, canit illa, sonosq. e gutture rauco
 Effundit, petit aut latices plaudentibus alis,
 Corneaq. ora lacu volitans, facto agmine, mergit,
 Aucupis & dextra patrijs occumbit in vndis.
 Atq. alius tereñi calamo confusus, & arcu
 Alituum genus omne ferit per stagna sagittis:
 Et si forte cedit medijs moritura sub vndis
 Ardea, stagna secatur celerans, prædamq. reportat.
 Hunc auceps morem semper non seruat eundem,
 Cum volucres capit, interdum nam fronde virenti
 Quæ per stagna canunt volucres, collumque, caputq.
 Implicat, ingrediturq. silens tensus ore lacunam,
 Non longe a ripa liquidis stans rectus in vndis,
 Quæ late strepitant volucres, ludunt ve, cibum ve,
 Rimantur, pelagiq. parant trans æquora cursum,
 Vt nostræ faciunt volucres, cum litora linquent,
 Turmatimq. petunt tepidos, sine murmure soles.
 Vt vero truncum arboreum, ramosq. virentes,
 Et folijs baccisq. graues videre volucres
 In medijs stantes vndis, necis inscisa turba
 Aduolitant, ramisq. sedent fallacibus, illicq.
 Exercent solitos cantus, alacresq. vagantur,
 Ut tanquam tutæ reuolant ad frondea tecta,

*Et pedicas, fraudesq. petunt, pariterq. morantur,
Frondebis ignarę falsis se fidere ramis.*

*Callidus ast auceps sensim rostrum ve, pedem ve
Arripit incautis anibus, captisq. repente
Claudit iter vocis leni, dextraq. premendo,
Terreat vt nec aues strepitu, neu sanguine lympham
Inficiat, lateri annectit, qua mantica pendet.*

*Hic p̄ceptis it' falsus aquas de montibus altis
Babua, qui liquidos diuerso a fonte liquores
Colligit, & terram Maguanam interluit vñdis
Non alit hic vñlos, vt cętera flumina, pisces,
Undanti nec prata suo rigat, au'sata cursu,
Auriferas falsum hoc non torquet flumen arenas.
Accipit hunc terra alma sinu, conditq. latebris,
Nec ponti contingit aquas, nec cornua mergit
Oceano, aut illum gremio maris accipit vnda.*

*Planities hic magna iacet, campi q. patentes:
Quos circum montes excelso vertice cingunt.*

*Commoda frumentis hæc sunt, & vitibus arua,
Et pecori haud ingrata seges: nam gramina miris
In vacuum se læta modis de cęspite tollunt,
Quę non lædit hyems spirantibus aspra Cauris.
Non nix alta tegit, bruma aut glacialis adurit.*

*Non procul innumeri sunt hic per pascua fontes:
Quorum sunt latices alto sub gurgite falsi:*

*Fontis at in medio tristis se effundit amaror:
At qua fons summas ostendit lucidus vñdas,
Dulcis aque sapor est, gratusq. bibentibus humor.
Sunt populi agrestes Zauangę, qui loca celsis
Montibus alta colunt. & sese nocte cauernis
Occultant, saxiq. ineunt sub fornice somnos.*

Rura, domosq. nihil curant, aut atria, sed quas

Vallibus

Vallibus in patrijs rupes natura cauauit:
 Et fructus, quos sponte tulit silua ardua carpunt,
 Et liquidos semper fontes, aut flumina potant:
 Aruaq. non curant, alias nec querere sedes.
 Hæc gens finitimos spernit, carpitq. quietem
 Aut siluis, aut valle caua, vel montis in antro.
 Postquam Vesper adest, noctisq. superuenit umbra,
 Illic errat amor: sed non noua cura quietem
 Sollicitat, non bella mouent, non cogit amantes
 Ad letum informe, aut ferro per pectus adactō
 Oppetere: aut cum porta tonat resonantis Olī, impi
 Turbatos penetrare sinu: veniente procella.

Hic amor est semper simplex, & semper inermis
 Gaudia nec miscet curis, hic nullus amanti
 Inuidet, aut aliquam simulans spe ludit inani.
 Humano hos cuncti dicunt sermone carere.

Veloces magis sunt alijs, qui lata Quiqueia
 Regna colunt: campoq. canis Spartanus apertō,
 Aut silua in longa, cursu non vinceret illos.

Et si forte aliquis montano in vertice cernit:
 Hanc gentem, tunc terga fuge palantia nudat:
 Et nulli nisi nota feris petit antra per umbras.
 Tempore non vllō gens hæc mansuescit, & omnes
 Conspectum fugiunt hominum, & commercia rerum.

Sal quoque lucidior vitro est Diagonis in altis
 Montibus hunc scindunt cuneis, nec copia parua est.

Hic sunt æquales paruo discrimine soles,
 Siue hyemem, siue æstatem Sol ducit ab alto:
 Aethere: & hæc causa est, cur nunquam prata recentes
 Amittunt flores, aut arbor frondis honores.

Planities magna hic late est, quam perpetuus fons
 Atq. alij humectant, qui nunquam frigore torpent,

Aut

*Aut acri sub Sole calent, nec pascua flores
Aut folia amittunt: aret nec caltha sub ortu
Icarij canis, aut siluæ spoliantur honore.*

*Vere nouo folia ipsa cadunt, non frigore primo
Autumni, & subito redeunt, veteresq. videbis
Corticibus ramos solitaq. virescere fronde,
Nanq. comam ponit pratum, & se vestit eodem
Vere, nouosq. parit proprio de germine flores:
Nec crepitans grando teneras quatit horrida frondes
Siluarum, gelidus. ve cadens e nubibus imber
Aerij. herbas vrunt nec frigora brumæ.*

*Est tractu longo vallis, quam Guarionesus
Imperio regit: hic tellus est optima iactis
Seminibus, frugumq. ferax, & fertilis herbae,
Terrarumq. frequens humor non noxius aruis.*

*Noxia & his terris non sunt animalia morsu.
Et siluis non errat aper, non vallibus ursus,
In segetes agit ante diem securus arator,
Nec timet ora lupi: crudus vestigia pero.
Nulla tegit, qui mortifero defendat ab ictu
Aspidis agricolam spinoso in vepre latentis.*

*Non siluis, stagnis ve nocens mala gramina serpens
Pascitur, aut volitans armenta extorret Asylus,
Dum somnios umbris captant, dum pascua carpunt.
Letalis tamen est illis in partibus arbor:
Cuius si frondes seu uir, seu foemina tangat,
Immittunt solo tactu letale venenum
Ossibus, & papule apparent, ceu verbera, toto
Corpore, mox sese torquens (miserabile) vitam
Efflat, & ore petit terram, velut arbor ab alto
Tacta polo: sed falsa potest per membra dolorem
Infusum, virusq. simul, pestomq. leuare*

Vnda maris, ponti si membra immerferit undis.
 Quin etiam illa hominem solo necat arbor odore,
 Naribus hunc si quis capter: non stipitis huius
 Accenso quisquam tecti penetralia trunco
 Me moneat suffire: manu vel tangere frondes.

Tempore si certo non has accederet oras
 Aspera Cannibalum gens bello, assuetaq. rapto,
 Et uerubus torrere viros, & ponere mensis:
 Latior haud vlla hac, non hac felicior vlla
 Ora foret, populent licet & loca proxima tantum
 Littoribus: tamen aduentus timet insula cuncta
 Cannibalum, & sese specubusue, aut uallibus abdit.

Nulla adeo est regio, quæ non sit casibus ullis
 Subdita; sit quamuis gemmis ditissima, & auro.

Quam simplex genus hoc hominum fuit accipe: nãq.
 Quiqueie reges, unum uetere per annum
 Semina maicij campis iactare colonos,
 Ob causam hanc solum, quia nos sua regna putabant
 Esse relikturos: quo tempore millia multa
 Illorum periere fame per regna Quiqueie.

Cum rudis hæc bello gens sit, tamen asperat hastæ
 Ofsibus atque apicem teli, cum tendit in hostem,

Et si forte ineunt belli certamina, semper
 Fronte ligant geminos cemes, creduntq. iuuari
 Auxilio illorum, dubiaq. euadere pugna.

Quid referam, ut læt & uicino in littore gentes
 Perpetuum certis agitent sub moribus æuum
 Illic non populi fascēs tabularia seruant:
 Illorum non cura animos accendit habendi:
 Non aurum effossa quisquam tellure recondit:
 Non captant regem insidijs. belloue laceffunt:
 Littoribus habitant constructa mapalia siluis,

Quæ

Quæ pîna, palmaq. tegunt, tutiq. vagantur
 Prata per, agrestesq. domos, non extera verrunt
 Aequora, non merces aliena ad littora portant:
 Non aurum, non divitiis, non urbis honores,
 Non latos cupiunt fundos, non regia tellus,
 Non animum informant studiis, fractosq. tubarum
 Haud trepidi audire sonos: pax aurea servat
 Immunes belli gentes: atq. oppida & vrbes
 Sidereos cursus varios, nec tempora norunt;
 Vel cum luna filet vel cum pleno orbe relucet,
 Aegraq. procurant subito sua corpora succis,
 Iam correpta gravi morbo, redduntq. saluti.

Noxia & his terris non sunt animalia morsu.
 Omnia sunt illis communia gentibus, vt Sol,
 Et Luna est: nec plura petunt, quam cogat egestas,
 Castraq. nec cingunt muris, nec sepibus hortos,
 Nec quisquam nouit sua prædia: multa supersunt
 Iugera, quæis campis committere semina possent.

Non vendunt, nec emunt, rerum nec pondera norunt,
 Metiri nec res vllas: non diuidit agros
 Terminus, aut demens discordia fratribus vnquam,
 Aut consanguineis incessit; nullaq. tangit
 Hos cura indigenas, animus nec fluctuat ira,
 Regnandi nisi causa: ferunt nanq. oppida, & vrbes
 Arma inter sese, cum rex sine prole recessit,
 Nec celi carpit vitales amplius auras,
 Vt solij possint vacui ditione potiri.

Rex habet vxores triginta, de quibus vna;
 Quæ quondam ante alias fuerat charissima regi,
 Post obitum illius tumulo se condit eodem,
 Sponte tamen: quem gossipio, vittisq. iacentem
 Inuoluunt, cum supremum comitantur honorem:
 Et capitis regale decus vittamq. trilicem,

Quę pendet ceruice, humerosq. & pectora velat,
 Ornatusq. scrunt solitos, conduntq. sepulchro.
 Illiusq. canunt laudes, atq. inclyta facta.
 Haud secus excubitor, nobis qui nunciat alnum
 Aduentare diem, volucres ducitque, regitq.
 Commissas sibi, sic ille cum coniuge, somnos
 Nocte simul capiunt, atq. illum luce sequuntur.
 Non etiam inter se oderunt, præcordia lior
 Non tentat, quanquam vna magis sit grata marito.

Hę namq. incedunt omnes: solum inguina velant:
 Sed mulier non passa virum, partusq. labores
 Non experta graues, nullo inguina velat amictu,
 Collecto in nodum nec crine incedit, at ipsam
 Ceruicem, inq. humeros fundit, quem vitta reuincit
 Albi supercilium supra, pressatq. corona.

Res rara est illis in partibus optima nautis.
 Qui liquidum per iter pelagi vasta æquora sulcant,
 Seu cum sauit hyems, seu cum calor ingruit aruis.
 Est panis non ingratus, candore ligustra
 Vincit, & exactum longe incorruptus in annum
 Durat, nec cariem sentit, nec mucidus vnquam
 Redditur, at lymphę tactu mora nulla putrescit.
 Viderunt hunc nec nauta, nec secula prisca.

Et etiam Cubę, ac Quiqueiæ plurimus oris
 Corporea haud magnis forma pulcherrimus ales,
 Aera quę scindit nocturnum, quattuor alis
 Membrana solida concretis, quęis vice pennarum
 Utitur, illa volat quoties: cui lumina fulgent,
 Haud aliter quam nocte faces: geminosq. sub alis
 Instar habet stellarum ignes: quotiesq. per umbras
 Tendit iter, duplicem ingeminat (mirabile) lucem,
 Resq. nouo per noctem atram fulgore relucet.

Indigene

*Indigenæ cuncti, morte aduentante, sororis
Instituunt natos fundi, rerumq. suarum
Hæredes, quia non credunt ex coniuge natos
Esse suos: ideo iunctos sibi sanguine linquunt
Totius tecti dominos, rurisq. paterni
Germanæ semper natos, vterumq. sequuntur:*

*Sed si non superant: fratres, & pignora fratrum
Hæredes faciunt: rex autem, cum venit hora
Extrema, & mortem propior iam deniq. amicos
Conuocat, & proceres, & quos Quiqueia mores
Iampridem tenuit, etiam hos in morte suprema
Seruat, & hæredem instituit, qui non piger armis
Sit sumptis, vel consilio, & depellere possit
Finitimas, cum perturbant sua littora gentes:*

*Nanq. sibi externam nec rex, nec ciuis adoptat
Progeniem, veluti nostris consuescimus oris,*

*Luxanus paucis socijs comitatus, in altis
Inuenit siluis primo sub vere racemos
Labruscæ rutilos, mites, gratoq. sapore,
Quas auri diues producit terra Cibaui.*

*Ocia amat gens hæc: ideo non stringere cordi est
Vere nouo ramos huius tam fertilis vugæ,
Ast illam alitibus prædamque, ferisq. relinquit.*

*E nemorum ramis, folijs, & vertice pendet
Gossipium: velare uetant hi corpora nudi
Præsertim canet cum bruma in montibus, illic
Nanq. in planitie campi ver floret aprica.*

*Hic crebræq. cadunt pluuiæ: sed non fluit amnis
Per sata culta suo, vel prata per herbida cursu.
Vt solet Eridanus, toto cum turbidus alueo
Accipit innumeros amnes, quos vnda solutis
E niuib. tumefacta altis de montibus auxit:*

Hi mare iuxta habitant, piscosa aut flumina iuxta
 Piscandi, artem exercent saturare ferinis,
 Non cupiunt vnquam sese, sed piscibus alium
 Distendunt, artem suprema etate reponunt
 Piscandi, nec amant siluas; nec concaua saxa
 Retia gossipio non texunt ordine nostro.

Incola Quiqueia nunquam sua litora linquit.
 Denteq. tergemino nullum tenet anchora lintrem.
 Dissimilis tamen est illorum palmula nostris.

Illa habet at remos tantum lembosq., volucres,
 Quos stringunt solidoq., cauant de robore pinus:
 Vela haud lembus habet, celsi aut carchesia mali:

Octoginta intus nautas vehit arbor, & vndas
 Littoreas, liquidosq., lacus, stagna humida tranat.

Non terræ fluidæ venis, vel montis ab antro
 Ferrum informe, cauant patrio sed cymbia saxo,
 Telluremq. simul, solidaq. ex arbore lintres.

Hic Iucca est Napi species, quam fossor ab alta
 Sublatam tellure cauat, succumq. nocentem
 Subducit pressans manibus, mox frangit, & vndis
 Corruptam miscet calidis, mistamq. reuoluit
 Sæpius, inq. orbem durat, subtexq. calentem
 Occultat cinerem, coctamq. reponit, in vsus
 Presentis victus. sed si (mirabile) succo.

Vescatur Iuccæ quisquam, letale venenum est:
 Haustus enim labe facta petit præcordia succus,
 Membraq. nigrescunt infuso læsa veneno.

Ostia transuersum cannas posuere, putantes
 Se tutos fore ab ingressu, belliq. tumultu
 Securos, tanta est illis inscitia rerum.

Nascitur his campis, hortisq. cucurbita ventre
 Non paruo, similisq. v'lmo, quam gignit Hibura
 Arbor

Arbor pro fructu, solum hunc vtuntur in vsum
 Indigenæ, vt possint haurire e fontibus undas:
 Succum habet hæc intus, qui felle est acrior omni:
 Quare ea gens tristi illius sese abstinet usu,
 Duritiem testudineam quæ cortice vincit,
 Quæ fluuij non ima petit, nec mergitur vnquam:
 Sed leuitate sua liquidis hæc innatat undis.
 Et mos est illis barbari tondere, caputq.
 Fœmina gossipio tenui, vittaque coercet
 Cæsariem in nodi faciem, mox flamina temnit.

Scribere non norunt, sed belli ingentia facta.
 Et solitos mores populi, diuisaque regna,
 Natisque & consanguineis stirpique futura,
 Atque Iuuentuti tradunt miro ordine rerum
 Res gestas, Cemesq. suos ab origine pandunt.

Vana superstitio terras oppresserat olim
 Quiqueiæ, & quæ vicino circumdata ponto,
 Donec lucem illis immisit cælicolum Rex,
 Qua tandem agnouere Deum rerumque Parentem.

Quin etiam indigenæ cuncti sub tempore certo
 Palmarum carpunt fructus, & roscida poma,
 Teutonicoq. coquunt ritu, testisq. reponunt
 Ficilibus: dulcis liquor est gratusq. palato.

Sunt pingues magis, & procero corpore tauri,
 Et simul omne pecus, quod transportauimus illuc,
 Quam tauri, & pecudes, quæ nostris saltibus errant.

Quam nostris illic etiam felicius aruis
 Herbaque, liniq. seges. vescumq. legumen
 Proueniunt, & maiores fert campus aristis,
 Campus aquis semper riguis, cum deficit humor,
 Atq. æstu Solis magno terra ipsa dehiscit.

Huc vites olim attulimus, quæ (credite) nunc sunt

Coniugibus similes vlmis, & pampinus umbra
 Exigua tabulata tegit, ramosq. superstat:
 Queis palmes Methimneus, queis Betica cedat
 Vitis, & increscit quę collibus vna Palernis.
 Terra ferax adeo filicum est, vt culmus in aruis
 Illic excretus sit maior arundine nostras.

Inclita tale solum tercentum exercet aratris
 Et preclara viris, & sanguine Brixia, tales
 Vomere scindit agros felix Insubria frugum,
 Et frugum pariter felix Sicania tellus.

Maicum speciem frumenti rusticus aruis
 Seminat, & nostro spica, culmoq. virenti
 Maius arundineis folijs: verum ingruit estas
 Torrida cum passim gravidis flauescit aristis,
 Tunc sese arenti paulatim nudat amictu,
 Atq. suas ostentat opes, & nuntiat ipsis
 Agricolis venisse diem finemq. laborum.

Noctis aue nec habent siluis, domibusq. rapaces
 Quę laniant rostro volucres: sed nocte soporem
 Secure capiant, prima vel luce diei,
 Aurea cum terris Aurora nitescere cepit,
 Et late inter se siluis strepitantq. canuntq.
 Nec metuant, certo viscetas ordine virgas
 Arboribus positas, nec noctua decipit illas.

Fabula vulgata est cunctis, & credita terris
 Quicquid, primum geminas habitasse cauernas
 Ingentes, mortale genus, hominesq. vetabat
 Exire e specubus geminis indignatus Sol,
 Ast Machoel antri custos, cum noscere vellet,
 Atq. videre situs telluris, & aquora, si qua
 Stent circumspēctat, dum flumina concita, & aquor,
 Et celi, noctisq. decus miratur & alta

Tot nemora & valles curuas atq. herbida prata,
 Confusus mentis sensus, errabat, & vna
 Oblitus calles, necnon diuortia silue,
 Vidit vbi errantem lucis, Sol percitus ira
 In saxum Machoel subito conuertit, & omnes
 Certatim indigenæ montem hunc de more quotannis
 Inuisunt: alij ex antris exire volentes
 Vt nuper Machoel fecit, sensere repente,
 Se uerti in piætas volucres, alijq. virentes
 In prunos, alij deformi corpore turpes
 In ranas sunt conuersi, quæ nocte querelas
 Ingeminant, & luce silent, donec properans Sol
 Currat ad occasum, tunc limo vluaq. palustri
 Attollunt caput, & letanti gutture raucas
 Diffudunt voces, securæ solis ab ortu.

Quiquei postquam dominari cœpimus oris,
 Legitimo mulier quanquam esset iuncta marito,
 Assueto tamen hi non concubitu indulgebant
 Amplius, atq. illic virgo iam nubilis vllos
 Non curabat item solito partu edere nato s,
 Ne graue seruitium ferrent, & si qua latenter
 Mistra viro fuerat, subito, sua pignora in auras
 Aethereas ventura herbis, succoq. necabat,
 (Et mirum dictu) cum sit gens dedita luxu,
 Pronaq. nequitie multum tamen illa sorori,
 Et natæ, matriq. e tiam non se immiscebat,
 Esse nefas, immo magnum de more putabat.
 Quin aliquis vitam exosus sese interimebat,
 Auribus indigenæ, necnon & naribus aurum
 Suspendunt, agitata mouet se bractæa, narsque,
 Atq. aures crepitat circum testudinis instar.
 Spicula arundineo faciunt de stipite, quæ sunt

Duritie indomita, nec taurea tegmina curant.

Quanta superstitio populis sit, regna Quiqueia,

Qui diuersa colunt, paucis (aduertere) dicam:

Illorum quæ longe animos oppresserat, & sic

Ducebant miseri vitam sine numine vero.

Haud secus, ac puppis, valido quæ fertur ab Austro

Per maris Ionios fluitus, perq; alta Charybdis;

Nec sit qui clauum regat, obliquetq. triremem,

Ingenti cum immane furens Notus vrgeat vnda

In syrtes, scopulosq. rates, pelagiq. procellas.

Aerij specus est radices montis ad imas

Iauana, quam populi indigenæ, gentesq. frequentant

Externæ, summoq. locum venerantur honore.

Ante foras stabant Cernium simulacra duorum.

Quos Patris eterni gens illa ignara colbat

Olim: pro Sole, ac Luna hæc coluisse ferebant:

Atq. cauis ambos quondam exiluisse cauernis,

Et celi secuisse vias, vectosq. per altum

Aethera luminibus calum, terramq. vicissim,

Et pontum lustrasse suis, propriosq. colores

Cunctarum rerum diffusa luce per orbem

Detexisse ferunt Ophyræ lata arua colentes.

Per noctem volitare animas post funera credunt.

A pelago procul horrifono præcelsa Cibavi

Saxeæq. est moles, necnon & concava ab alto

Vertice, vbi longe strepitus auditur aquarum

Diuersa de parte rrens: quod si quis ad ipsos

Accedat sonitus lympharum, cominus: ille

Nec longum tempus surdusq. fit, attonitusq.

Non longe lacus hinc ingens, cui tristior vnda,

Quiq. habet Oceani sua per stagna alta natantes

Diuerfos populos, quorum non copia parua est.

Nan-

Nanq. per exesam rupem influit vnda patentis
 Oceani, occultaſq. vias agit illa profundum
 Sub mare, & adducit ſecum per concaua ſaxa,
 Peruiaq. humentem prædam; perq. hoc mare paruum
 Indigenæ vidiffe ſerunt ſub tempore veris,
 Tempore & Autumni tantum longo ordine piſces.
 Et noua monſtra maris ſulcare, & ludere in vndis.

Hi ſe ſcire putant ortum maris, atq. fluentum
 Fluiorum, viuoſq. lacus, tardasq. paludes.

Aequoribus eſt his etiam Bouca inſula parua,
 Nobilis eſt quæ fontis aqua, mitiq. locorum
 Temperie, cuius ſi quis de fonte liquores
 Hauſerit ante diem, ſubito fugit agra ſenectus,
 Atq. nouum veluti in florem conuerſa vireſcit:
 Integer, & ſanguis venis fluit. haud ſecus anguis
 Exiit hiberno ſquallentem frigore veſtem,
 Et ſpirans tollit per prata recentia criſtas
 Sanguineas, per humumq. humeris iam lucidus orbes
 Immenſos trahit, & teneris exultat in herbis.

Mens erat hunc mihi certa locum, fontemq. videre,
 Illius & latices haurire, & membra ſalubri
 Tingere lymphæ: quo vt longo, multoq. labore
 Iam lapſum florem ætatis nunc ruruſus habere
 Hac poſſem, meq. vt morbo, turpiq. podagra
 Eriperem: quæ me ſeu Sol iam dimouet oris
 Aethereis nigrantem umbram, ſeu candida ſecum
 Luna uehit cælo radiantia ſidera, torquet.

Non potui has ratibus ſedes accedere: nanq.
 Diſtabat longo felix hæc inſula curſu:
 Et Boreæ flatu intumuit maris unda furentis:
 Et paſſim undoſum ſpumis incanuit æquor.
 Vinitor & mites armis iam legerat uuaſ.

Quid

*Quid meus Hayti Germanus fecerit oris,
 Vel quas condiderit illis in partibus vrbes,
 Et bello indigenas toties petisse phalanges,
 Vicerit & varias acies, & Guarionesum,
 Constituit populis dum vestigalia, & hostem
 Depulerit, cum longo egeant sermone, silebo.
 Hispanos, & quæ fuerit discordia quondam;
 Quos mecum Oceani non nota per æquora vexi,
 Meq; inter, cum nota satis sint cuncta, tacebo.
 Ipse etiam inuentis a me noua nomina terris
 Imposui, siue vrbs esset, siue insula, siue arx,*

*PERENOTTE, tamen nostrorum meta laborum
 Hæc fuit: in vinclis vna cum fratre per vndas
 Ducor ad Hesperium littus: sed post vbi Rex, &
 Regina hoc norunt, soluere, ægreq; nefandum
 Hoc scelus humana moti pietate tulerunt.*

*Hanc partem nostrorum etiã, GRANVELLANE, laborum
 Extremam paucis memorabo, precipitet cum
 Iam cælo nox, & fessis mortalibus astra
 Dulcès inuitant somnos, animoq; quietem.*

*Nam Rex Fernandus, coniunxq; Isabella duos me
 Post annos quamuis confectum ætate senectæ,
 Atq; ægrum ob varios casus, fratremq; vocarunt
 Ut vellem Quiqueie vltra, versusq; cadentem
 Tendere iter Solem, nostrisq; intacta carinis
 Aequora, & Oceani tractus: tunc sponte dedit Rex
 Quattuor instructas armis, & milite puppes.*

DE NAVIGATIONE
CHRISTOPH. COLUMBI
LIBER QVARTVS
ARGVMENTVM.

Quatuor regressus ratibus, noua iussa facessit:
Occiduum ad Solem excurrit: confinia Cubæ
Lustrat, & à læua Guanasse ad littora tendit;
Mox Quiriquetanam vëto petit: inde per altum,
Xaguaram tetigit: Quiqueciaq. arua reuisens,
Hispanas tandem fellus remeauit ad oras.



ER erat, & tepidos dūcebant sidera soles,
Fronibus atq; nouis sese viridiq; colore
Vestibant nemora; & tellus lætata recen-
tem

Ob partum gremio terrestria sidera ale-
bat.

Mira exercebant volucres dulcedine cantus,
Desuetos ob longam hyemem, & mala frigora brumæ,
Et Zephyri nantas intendere vela uocabant.
Cum liqui Hispanos portus, atq; æthera flexo
Poplite prospiciens lachrymis ita fabar obortis.

Ipse tuum ob nomen rege nos, PATER ALME, tuoque
Nos tege nunc clypeo; & subitis defende periclis:
Et serua has puppes, tibi qui confidimus, in te
Qui spem nostram omnem, mentemq; locamus: et vnum
Te colimus, cum Sol collustrat lampade terras.
Et cum nox piceo terras inuoluit amictu.

Qui

Qui quondam Oceani duce te penetrauimus amnes.

*Canarias placido uentorum flamine uetus
Deueni, dehinc accessi qua se insula tollit*

Que patria est Caribum, deserta, ast gramine lato,

Et plena arboribus, per calum Luna prius quam

Sidereum, amissam lumenq. instaurat, & ignes.

Quique e paucosq. dies noctesq. moratus: A

Iamaicamq. hinc digressus, Cubamq. reliqui

A dextra, & vela extendens, qua Zephyrus flat,

Littus ad appulimus Quanaſſe, quo mare uidi

Indigenas tortis deuinctos funibus armos

Gossipio lembos prope littora curua trahentes

Horriſerum uersus Boream. ceu nauta carinas

Medoaci ad ripas aduerso flumine pronus.

Longo fune trahit. sed postquam turba trahentum

Hos iintres, nostros iam littora lata tenere,

Atq. sequi ratibus longe uestigia cernit,

Signa dedere manu, ne quisquam accederet alnos:

Et clamore nouo littus, flumenq. replebant:

Et pauci, nudiq. minis terrere putabant

Se posse armatos pedites, classemque sequentem.

Non ferre hos tantos potuit gens Batica fastus:

Sed subito audaces hos inuasere, nec ullus

Euasit, quisquam potuit non se dare iactu

Oceano, non se manibus subducere nostris.

Reſtor erat rerum varijs mercator in oris.

Fittilia hic latis, operosaq. pocula tranſtris

Et pateras, & crateras, lancesq. ferebat,

Multaq. baccarum ſerta, & canentia puri

Vellera goſſipij rebus mutauerat illa

Externis, & ſemineas ante omnia merces.

Cymbia multa aderant fuluo tranſlucida ſaxo

Faſta,

*Facta, cadiq. etiam, atq. nouacula multa, securesq.
Atq. eodem factos portabant marmore cultros,
Quorum erat e ligno capulus nigro, atq. recuruo.
Stragula gossipij vario discreta colore
Implebant proras, obscuraq. transtra. forosq.*

*Rerum autem partem domino tunc reddere iussi,
Et manibus, pedibusq. tenacia soluere vincla.*

*Sunt gentes illic solite connectere pennas
Corporibus volucrum auulsas, atq. arte magistra
E molli pluma diuersas pingere vestes.*

*Ultra progredior paulum: Quiriquetana nobis
Ingens apparet regio, sæcundaq. campi
Ubere. Maitium creat hæc, Aggesq. Lucasq.*

*Flumina sunt, quæ prata rigant, semperq. videtur.
Illic Ver nitidum tepidos effundere soles.*

*Pascua habent semper noua gramina, prata recentes
Semper alunt flores, interq. salubria valles.
Flumina decurrunt gregibus accomoda nostris,
Armentisq. etiam frutices nemora alta ministrant,
Semper & autumnus varijs se sætibus auget,
Spirat & assidue Zephyri leuis aura per agros.
Arboreis latis folijs hi membra tegebant.*

*Hanc læti petimus terram, & descendimus omnes.
Et viridi facimus diuersa umbracula pinu:
Et iuxta porti tentoria tendimus vndam.
Et tabulis structum uelamus fronde sacellum;
Ornamusq. rates, pictisq. tapetibus aram.
Sacra sacerdotes nostri faciuntq. canuntq.
Ante aram, soluuntq. Deo sua debita vota:
Dehinc referunt nautæ submisso poplite grates.*

*Dum vero hæc peragunt, ingens concursus ad vndam
Indignum pelagi non vna parte fluebat:*

Nostraſq. intenti poſita formidine puppes
 Spectabant: quos & regio fert illa, ferebant
 Diuerſos terræ fructus, lymphasq. recentes,
 Seruabat tumido quas ventre cucurbita clauſas:
 Submiſſiq. accedebant, dum munera nobis
 Sponte dabant. Illos nos magno ad littora plauſu
 Excipimus, vitreisq. oneramus peſtora fertis,
 Et colla illorum: donamus tympana, acusque.
 Et cultros, capuli quibus ex chore, argentoque,
 Et ſpectula attuleram varias referentia formas,
 Et veros vultus nitido ſplendentia vitro.
 Atq. ſpecilla, quibus procul, & prope cuncta videre
 Grandæui poſſent homines, ſuper omnia grata
 Dona fuere magis ſenibus, qui mentem, animumq.
 Expleri haud poterant, cum res inopina, nimisq.
 Mira videretur: quoties nam naribus illa
 Ponebant, tunc hi mage lucida cuncta ridebant.
 Hæc gens candenti tantum tegit inguina tela
 Goſſipiꝝ, vittave leui, quæ picta colore eſt.
 Hæc vario quodam pomorum corpora ſucco
 Ornatus cauſa tingunt, quæ protulit hortis
 Arbor in irriguis, quam gens hos nutrit in vſus.
 Aſt alij nigro faciem, rubrove colore
 Inficiunt florum, pluma aut texere volantum.
 Sunt montes illic humiles, ſemperq. repleti
 Fætibus arboreis. tellus, quæ ſpectat ad arctos
 Siluarum plena eſt. ilex ſe tollit ad auras,
 Ardua. in vacuum extendit ſua brachia pinus,
 Palmaque: quas ſiluas tigris ſauisſima ſeruat.
 Et damæ, ceruiq. leues, vaſtiq. leones,
 Qui nunquam hos virides ſaltus, lucoſq. relinquunt,
 Hæc gens venatu inuigilat, terretq. virentes

Per silvas cursu cernuos, capreasq. fugaces.
 Quisq. suas habitat sedes, agrosq. frequentat.
 Atq. comas inter, frondosaq. brachia supra
 Altorum vitis nemorum quoq. serpit agrestis.

Et quamvis nullus ferro, vel falce putator
 Strinxisset, cum terra suo letissima partu
 Fundit opes, tamen hec rutilis curvata racemis,
 Pampineisq. ornata comis & grata virebat.
 Hi vites ideo non curant ponere campis:
 Et palma faciunt hastilia, tela, sagittasq.
 Ingenti: que non aliter, quam spicula duro
 Ferro armata hominum bellantium corpora iactu
 Transfigunt, sternuntq. solo: facit ex quoq. palma
 Vulnificos enses gens hec, contosq. trabesq.

Illic gossipium silvis, & collibus album,
 Nascitur & plano. Sunt silve pruna ferentes:
 Innumeri & fructus ibi sunt, gratiq. palato.
 Diversas regio felix fert illa volucres,
 Que silvas, & stagna colunt, fluviosque, lacusq.

Est turba hac animum non vno picta colore,
 Inter quas ales magna est, cum famina pavo,
 Et membris non inferior: cohors est sua cuique
 Quisq. domi clausas tenet has, & pascit abunde.

Ipse ego tunc cernens dubium mare currere versus
 Occasum, haud aliter, quam cum nix liquitur altis
 Montibus, & Libya de parte superuenit imber
 Maximus, & superant altas torrentia ripas
 Flumina, perque cauas valles, & pascua secum
 Tecta trahunt impulsa notis, atq. imbribus acta.

Vertere decreui cursus, & flectere vela
 Surgentem versus Solem, sed linquere nunquam
 Hoc littus poteram, quo tempore letifer alto

Excedit

Excedit canis Icarus, pariterque calores
 Aestivi, & plenis se exercet rusticus arvis,
 Atque coloratas ostentat pampinus vvas.

Ducere nauigium conabar ad ora Draconis,
 Ad Pariëq. sinus, rebar quos esse propinquos:
 Nanque mare vndabat passim, classemq. ferebant
 Ventorum varij flatus; nec condere portu
 Iactatas poteram commota per equora puppes
 Hic Quiriquetang liqui portusque, fretumque.
 Dum vero longe legerem caua littora, in amnem
 Perueni, qui se non immiscebat in equor,
 Qua primum Oceani tellurem cerula tangunt:
 Sed nitidus, resonansq. & recto flumine lymphas
 In freta lata suas longe pellebat ab ipso
 Marmore nomen adhuc seruans sua flumina quamuis
 Deferat, & rapido fera diuidat equora cursu.

Hic ubi stans vitreis vacuis in fluctibus urnas
 Impleui dulci hoc flumio; mæstusque per altum
 Errabam: nam pontus erat tunc concitus Austro;
 Solis ad occasum tendens, inimicaque nautas
 Vnda fatigabat pelagi occurrentis, & vna
 Incæptum tardabat iter, & sæpe retrorsum
 Iam fessam impellens agitabat in equore nauem.
 Mox classe ærata tria flumina magna tenemus,
 Quorum adeo testudinibus, & piscibus amplis
 Ostia abundabant; ut vix euoluere in altos
 Se possent fluctus: aëst horum crassaque, & ingens
 Florentes ripas fluniorum ornabat arundo.

Plurimus hic Crocodilus erat ad lumina solis
 Quorundam in ripis fluniorum stratus arena.

Vide his littoribus tercentum nauibus aptum
 Flumen aquæ, ad cuius fauces per cerula terre

Quat.

Quattuor, & plenæ arboribus, & gramine multo:
 Quæ poterant seruare aſtas à turbine puppes:

Bisdenas legimus ſpârſas per marmora terras,
 Arboribus quarum pendebant aurea ramis,
 Poma, velut noſtris dependent citria in hortis,
 Atque ſequens Paria hoc littus uidi ipſe ibi portum
 Circuitu magno ingentem, quem maximus annis
 Augebat, mitique vnda, nitidaque ſecabat.

Mox ad Quicuri incolumes deuenimus oras.
 Portus ubi, & ſtatio nautis tutiſſima, & altis
 Arboribus circumſeptus, ſcopulisq; patebat:
 Ad quem confluxere viri terna arma tenentes:
 Atq. quaternâ manu, mites tamen, illicet illi,
 Vt pacis ſignum dedimus, petiere carinas
 Vnanimes noſtras merces mutare parati
 Cum noſtris: vltro dedimus queis munera multa:
 Sed quoniam abnuimus illorum ſumere merces
 Eſſe dolos veriti, donis abiere relictis.

Sunt forma cuncti inſignes: ſed fœmina velat
 Goſſipio partes velandas, atq. capillum
 Detondent: homines radunt ſed fronte fluentem:
 Caſariem, linguuntq. comam qua poſterior pars
 Eſt capitis, vittisq. ligant candentibus, hisq;
 Antiquo de more caputque, & tempora cingunt.
 Ex quibus ipſe duos mecum per carula vxi.

Eſt illic gens indomita, & qui vulnera bello
 Accipiunt, magno hunc omnes venerantur honore;
 Illic non fluit, aut reſluit, maris vnda relabens,
 Aut rediens ſolitum ad littus, velut æquoris eſtus
 Britanni, Morinumve facit: vix nempe reſſus,
 Accessusve poſeſt quis vaſti noſcere ponti.

Arbor in hac regione viret pulcherrima ad vndam.

Oceani late contingens marmoris oram,
 Quæ virides semper frondes, & brachia seruat.
 Hæc ubi se in vacuum ramis, & vertice celso
 Sustulit, in fluctus deflectit prima flagella:
 Deinde maris stagna alta petit, terræq. coheret.
 Tunc ramus pelago immissus sic pullulat altum
 Sub mare, vitis uti propago crescit in aruis:
 Post ubi radices egit, se tollit ab imo
 Gurgite, perpetuis & inumbrat frondibus æquor.
 Grata aëribus semper, & ponti gentibus ora,
 Seu cum Sol terras vrit, seu cum undiq. celum
 Insonat, & motos voluunt vaga flamina fluctus.
 Rarum animal colit has silvas par Cercopiteco,
 Ingenti cauda, & longa, multumq. reflexa.
 Per siluam hunc venator agit cum callidus altam,
 Transilit e ramo in ramum, & de vertice pinus
 Verticem in alterius, ut avis fallitq. sequentem,
 Venatorq. sequens non præde aspirat opime.
 Hunc postquam vidit miles, percussit acuta
 Cuspide stridentis teli, qui motus in iras
 Desiluit subiro e ramis hostemq. petiuit:
 Et frendens rabie arma ferox iam nota mouebat.
 Aspectu toruo, at miles, morsuq. ferenti
 Exitium rotat ipse manu non territus ensen,
 Et ferit. ille autem haud genuit percussus acerbo
 Vulnere, cum vidit rigido truncum ense lacertum.
 Hunc tandem grauius spirantem ad littora, necnon
 Multa reluctantem miles pertraxit ibiq.
 Prostratus paulum hic prora requiescere cepit.
 Staret atrox animi vinclis dum vinctus ahenis
 Venantes alij magno clamore trahebant
 Detosum, horribilemq. suem per crura, pedesq.
 Ad nauem

Ad nauem captum insidijs, astuq. palude
 Littorea, transtrisq. locant: tunc tergora setas
 Horribiles erexit aper, erexit & hirtas
 Monstrum informe suas hirsuto in pectore setas.
 Cercopitecus aprum aggreditur, & sæpe reuinctum
 Circumplexa angit cauda, sternitq. lacerto
 Incolumi, validaq. manu caua guttura pressit,
 Atq. animæ preclusit iter: gratissima nautis,
 Militibusq. fuit pugna hæc. Sed cæpta sequamur
 Ad finē, quæ iam properat, PERENOTTE, supremū.

Seruant hi populi siccata cadauera raris
 Cratibus imposita Heroum, pariterq. parentum,
 Inuoluunt folijs, quæ sic iam sicca reseruant.
 Et plebs morte obita, siluis tumultatur in altis.

Hunc portum tandem liqui, velisq. rudentes
 Carbasseis subito immisi: volat incita classis.

Ultra prætendens hæc ipsa ad littora uidi
 Curua sinum, ad cuius fauces sunt quattuor alto
 Insulæ in Oceano posita, quas parua profundū
 Inter se fora ingentis paulum discriminat vnda.
 Circuitu hæc portum magno, lateq. patentem
 Efficiunt, cinctæ arboribus frondentibus omnes,
 Quæq. suis arbos oneratur fructibus: atq.
 Floribus & varijs fragrat nemus, alta viretq.
 Herba solo, ceu vere solet, ipsa insula dextram
 Cerebarum partem portus, læuamq. vocauit
 Abumeram. aspexi hic sparsas per cæcula terras
 Innumeras, & pingue solum, fontesq. lucusq.
 Et iuxta mare piscosum, cælumq. serenum.
 Est locus his celebris, fama & memoratus in oris:
 Illic nam cælum clara Sol luce serenat,
 Et vaga Luna tenet noctes in luce nitenti,

*Semper & in teneras gelidus ros decidit herbas:
Nec maris hos latices fragor intonat horrifer vnquam.*

*Corpore sunt homines nudi, varioq. colore
Depicti, quos intextas ex vngue leonum
Tigridis, aut seuq. patrio de more coronas
Ferre iuuat, &serta haud vno facta colore:
Queis adeo pendent diuersa monilia collo.
Effinguntq. hæc in magnas aquilasue leonesue.
Inguina gossipij velabat sæmina vitta.*

*Erepti hinc tandem, iuxta caua littora flumen
Venimus, ad cuius ripas gens nuda sedebat:
Que procul vt vidit nostras accedere puppes,
Occurrunt cuncti nobis ad littus, & vndas
Oribus acceptas fluij, gramenq. vomebant.
Nos contra, & magnis clamantes vocibus omnes:
Telaque, spiculaque, nostrorum in castra cadebant,
Exitiumque minabantur, penasque, necemque.*

*Indigenæ ad littus glomerati cominus hostes,
Nos ad bella vocant, hastasque, ensesque rotantes
E palma factos, quos non educere oportet
Vagina, & tandem ad pugnam se quisque parabat.
Pulsa manu passim reboabant tympana, circumq.
Hi conchas ore iustabant, quo bellica cantu
Agmina, bellantumque animos accendere sucta
Gens erat. Hic iussi tormenta hos ænea contra
Aptare, & tantum tormento immittere vincla
Stupea, non lapides, non duri robora ferri.*

*Vt vero audiuere viri strepitumque, sonumque,
Æra per, flammæq. globos volitare per auras,
Ipsoq. inuolui fumo, littusque, ratesq.
Viderunt (nam non cessabat machina captos
Ingeminare sonos, ignesq. efferre sub umbris,*

Permi-

*Permissosq. metus flammis, ceu fulmina ab alto
Missa polo) sese terra strauere, precesq.*

*Fundebant positis armis, pacemq. petebant
Submissi, & nostras sponte accessere carinas:
Atq. suas merces nostris cum mercibus vltro
Mutarunt, alacresq. suos petiere recessus.*

*Se varie hi populi pingunt, varioq. colore:
Pars faciem tantum, pars & bello inclita corpus,
Pars faciem totam depingit, nudaq. membra.*

*Excurrunt hoc in pelagus satis alta fluenta,
Magnaque, quæ semper auri fulgore coruscant,
Atq. acies pascunt oculorum, animosq. videndo.
Non desunt uarij per flumina lucida pisces.
Beragua est fluuius maiorque, & ditior auro
In mare qui secum permistas voluit arenas.*

*Hunc inter fluuium Iebam Cerabora gens est,
Quæ nouit, lateat patrijs vbi montibus aurum,
Ob nitidi cursum fluuij, terræq. colorem,
Hæc certis aurum veteri de more diebus
Cum rimatur humum, saxi atq. eruit ipsum
Abstinet interea sese chorrisque, iocisque,
Et dapibus non indulget, thalamumq. reliquunt.
Coniugis intactum, & Solis lustrantur ab oris
Surgentis cum se ostentat, lucemq. reducit.
Hæc nihil indigent nisi solis lumen adorant*

*Hic gentes nudæ incedunt, contraq. tegunt se
Arboreis pluuiam folijs, Solisq. calores:
Quæ tellus illic iuxta parit æquora passim.*

*Præterû Zaboram, & Cubigar duo flumina multa
Piscosa, & liquidis semper labentia lymphis,
Quæ permistum aurum voluunt fluuiialibus undis.
Hic terram Vibbe prospexi: quo mare semper*

Feruet, & undisonum est; formidatuq; carinis.
 Quæ semper regio est, nunquam & viduata procellis.
 Dumq. ego sulcarem iam lasso remige fluctus,
 Ionij similes fluctus, Adriæq. tument
 Non ego furabar mea lumina fessa labori;
 Ipsa sed assidue ventis immota tenebam:
 Conuersusq. oculos ad sidera lucida, dixi.

Exorabilis ALME PATER, mitisque, regensq.
 Regna, & Olympiacis sedes, terramq. patentem,
 Et maris immensos tractus: precor aspice vultu,
 Quo ventos, seuamq. hyemem, & freta pulsa serenas,
 Et tu, per quem tu peperisti hominemque, Deumq.
 Unigenam partu insolito; dum hæc marmora lustro
 Non prius intentata, prius non cognita nautis;
 Da nobis solitum auxilium Galilæia virgo.
 Remos puppis, & hæc tibi vela dicamus aquosas
 Sæpe hyemes perpeffa, tuo seruata benigno
 Auxilio superante Noto, superante procella.
 Dumq. loquor, sternunt placidissima flamina fluctus:
 Proceduntq. rates equatis per mare rostris.

Tandem deueni tranquilla per æquora classe
 Xaguaram in terram; magnus ditione regit quam
 Rex populi ingentis, necnon & fertilis agri.

Indigenæ hic rutilo tingunt sua membra colore.
 Rex nigro tantum sese imbuat. hic quoq. regi
 Naribus, & regni septem primoribus auro
 Selecto tenuis pendebat lamina, summis,
 Lamina pendebat labrisq. genisq. putantq.
 Hoc homini magnum esse decus. Quin fertilis ora
 Semper habet virides siluas, & mollia semper
 Gramina, & halantes diuersis floribus hortos,
 Quos nunquam cinere immundo, cum bruma recessit,

Sed riuis passim saturant, vndaq. recenti.

Nascitur his etiam siluis mira arbor Hibura.

Non culmos lædit rubigo, aut carduus horret

In campis, loliumue infelix, nascitur inter

Maitij lætum gramen, iuccasq. virentes.

Cernimus hoc etiam tractu turpes Crocodilos,

Qui cum diffugiunt: rostrum vel in æquore mergunt:

Continuo suauem iactant de corpore odorem.

Vt uero nostrę contraria cęrula classi,

Et quassata simul rapido naualia cursu

Aspexi, occasum versus tunc humida carbasa

Direxi: morā nulla rates decliuis agebat

Vnda maris, pariterq. notus: ceu missa sagitta

Aera per Parthi dextra: sic classis amarum

Oceani scindebat iter, fluctusq. sonoros,

Et longo cursu, & frēmitu quassata marino.

Quæ fluuium sera sub nocte intrauit Hiebræ,

In morem stagni placidum: tunc iccimus altam

Ad ripam intortos funes, puppesq. ligamus

Saxosum ad littus: Dehinc misi ad flumina magni

Beraguæ vectum lembis prope littora fratrem

Armatum multo cum milite, cum vaga pallent

Sidera, & infusa rebus iam luce rubescit

Oceanus: qui dum factos ex robore lintres

Aduerso subigunt fluuiio, rex obuius illis

Fit, quem non varijs trabibus contextus, at vna

Abiete coniunctus portabat in æquora lembus:

Illi etenim solida faciunt ex arbore puppem

Quę per lata decem nouies fert cęrula nautas.

Et regi, & cunctis pingebant membra colore:

Nudaq. erat, nec onusta manus iaculisue, sagittisue,

Aut gladio ex palma facto: signisq. perebant,

Tot nitidis incincta armis, quo tenderet hæc gens.

Dum vero inter se signis, nutuq. loquuntur,
 Maximus ex numero comitatu accessit ad amnem,
 Et lauit manibus lapidem, proprijsq. nitentem
 Imposuit celerans humeris. subitoq. petiuit:
 Quo sedit rex ipse: putant nanq. esse nefandum,
 Indignumq. loqui, solita nisi sede sederet,
 Aut alia dominumq. loci concessit, vt omnes
 Lustraret fluuij ripas, & viseret oras
 Littoreas: qui venerunt ad flumen amenum,
 Vndantemq. auri multo splendore Durubam.

Flumen erat cinctum arboribus, ripisq. recuruis
 Inter radices quarum, & caua saxa latebat
 Aurum ingens: nec erat saxum, radixue sub vndis,
 Quæ non immistas auro seruaret arenas.

His volui classem quassatam sistere terris,
 Et noua nauigijs intexere robora laxis.
 Protinus e prora deiecta est anchora in altum
 Flumen aquæ, qua prædulces sinus accipit vndas.
 Littus in ignotum pubes Hispana repente
 Emicat, exploratq. locos, benevolentiaq. arua.
 Bisdeni excurrunt equites noua rura, domosq.
 Inuentas referunt, & prata virentia siluis.

Dum uero optabam latis his condere tecta
 Littoribus, paruaq. domos incingere fossa,
 Atq. arcem aggeribus vallare, & vimine multo:
 Bellantum ad littus ruit ingens turba, ferensq.
 Tela manu, patriosq. enses, & grandia saxa,
 Atq. implens circum magnis clamoribus æquor,
 Arcem confestim, & tecta imperfecta petiuit.
 Mox inimicum ignem tabulis immisit, & omnes
 Funditus euertit sedes, fossasq. recentes

Aequa-

Aequanit, cum nox calum tenebrosa teneret.

*Parte alia bello non aspernanda iuuentus
Corpora nuda tamen: nostras accedere puppes
Illorum longe vario clamore vetabat.*

*Iamq. sudes, & saxa cadunt per inania nostris
Puppibus, atq. auræ strident, & littus utrumq.
Barbarico clamore sonat, fluuijque, marisque.*

*Ipse & eram populo, & regi gratissimus hospes:
Incola sed tanquam regni, aut moderator habebam
Hostis, & euerfor rerum, regnique, suum nam
Pellere credebat me limine velle tyrannum.*

*Iam Sol exoriens multo cum lumine sese
Monstrabat celo, & terris: cum cernimus altis
Infusum siluis populum, totoq. vagantem
Littore qui postquam nostras consistere puppes
Marmore conspexit, iacula intorquebat ad aquor:
Vociferansq. nemus densum, pontumq. replebat:
Perq. diem, & noctem gens hæc ad nota cucurrit
Aequora, tela gerens dextra, læuaq. sagittas.*

*Hic regem mora nulla tenet, cursuq. phalangas
Collectas in nos totas trahit, & quatit hastam
Arboream ante alios, & sese sistit ad vnam.
Temnens Bética tela, sagittiferamq. cohortem.
Tota erat haud aliter tellus obducta virorum
Agminibus, quam cum grauis estas præterit, & iam
Arboribus ducunt croceum folia ipsa colorem,
Labunturque, solumq. tegunt, herbasq. virentes.*

*Fossa munivi, & vallo qua littora puppes
Tangebant, nec non tabulis, septumq. tenerem
Quamuis exiguum contra tot millia: paruas
Hic tamen edidimus pugnas, pauciq. fuere
Illorum ferro occisi, nam ferrea tantum*

Funde-

*Fundebant tormenta ignes, fumumque, sonumq.
 Et quamuis essent primo in certamine victi
 Hi populi, subito tamen imperterrita turba
 Acrior ad pugnas iterumque, iterumq. redibat:
 Et potius pro rege suo, patriaq. volebant
 Oppetere ad littus, quam sese cernere victos,
 Aut procul a patria pulsos iam rege perempto.
 Et nostras poscunt in prælia sæua cohortes.*

*Horum animi feruor, virtusq. coibat in vnum
 Pellendi vectas longinqua per æquora puppes.
 A tergo tutos mare nos reddebat ab hoste:*

*Non aliter, quam pastores cum nocte sub ipsa
 Conueniunt, suaq. arma ferunt, si turba luporum
 Terruit imbellēs pecudes, & septa reclusit
 Vi valida huc illuc agitans armenta, pecusque
 Diripiensq. gregem vacua dominatur in aula.*

*Hæc etiam fessus decreui linquere terras,
 Quaq. brevis cursus, & non contrarius esset,
 Tendere Quiqueiæ secunda ad littora classem:
 Iamhucq. viam deflexi per freta, ibiq.
 Mansi bisseuos turbata ob cæcula menses:*

*Ipse ego tum Fliscum Ligurem cum milite misi,
 Et Didacum Mendez præclaro a sanguine, & armis
 Insignes ambo dilectæ ad regna Quiqueiæ,
 Vt magnæ cuncti scirent me mœnia Hayti
 Iamaicę ratibus lassis, socijsq. labore.*

*Hoc etiam præter spem nobis accidit, & me
 Supra alios casus passum terraque marique,
 Turbauit: nam Franciscus cum milite Porras
 Ad mare corripuere viam fraterq. recessit,
 Quin etiam toto cum remige, luce sub ipsa.
 Et me cum paucis socijs liquere, morabarque*

Effrenes

Effrenes inter populos, inimicaq. regna.

*Indigenæ vt videre duces abijſſe, nec vllas
In numerum vt nuper prætexere littora puppes,
Amiſſi & memores regni, rerumq. ſuarum,
Decreuere necem nobis inferre, ratesq.
Vrere, & in primis paſſim ſubducere victum.*

*Iamq. ratus mortis metam adueniſſe ſupremam,
Et duci immerito ad vitæ ſine funere ſinem,
Abſumiq. fame: tanta in discrimina poſtquam:
Adductum vidi me me: mea lumina verſus
Conuerſi Patrem æternum, ſupplexq. rogaui;
Vt me ipſum, comiteſq. malis, tantoq. periculo
Eriperet: ſubito iuuit me cælicolum Rex.
Deſectusq. memor Lunæ, fore poſt breue tempus,
Primorum partem iuſſi, plebiſq. vocari.
(Nam præſens interpres erat de gente Quiqueig)*

*Conuenere omnes, primi. plebiſque, patrumq.
Dicebatq. vnum eſſe Deum, qui temperat orbem
Terrarum, & punire homines pietate carentes
Vos iſtis victum vnanimis, vno ore negaſtis:
Quos noſtri cecinere Cemes in regna Quiqueig
Venturos, & victuros regna omnia circum
Oceani, quo ſe occiduas Sol vertit ad oras.
Vos ideo clarum ſignum aſpicietis ab alto,
Portendet quod iam vobis peſtemque, famemq.*

*Vt venere omnes ſubito, & uidere ſequenti
Nocte laborantem Lunam, ſparſamq. cruore
Subrutilo, necnon conſueto lumine caſſam:
Flebant tunc illi attoniti, mæſtiq. petebant;
Commiſſi ſcleris veniam, fruſtusq. recentes,
Maiciumque, vciaſq. ſimul, volucresq. ferebant*

Interea Mendez redijt, ſecumq. reduxit

Remigio instructam puppim, qua per mare vectus
(Vndosum licet) appulimus caua littora Hayti.

Hic ubi iactatas toties à turbine naues
Aptau curans sociorum corpora victu.

Et tandem Hesperias fessis iam nauibus oras
Deueni, regemq, adi, & noua regna, nouosq,
Terrarum tractus memorauimus, & freta magni
Aequoris, hoc iter est nostrorum hæc meta laborum.

Sic Ligur inuentos intentis omnibus a se
Oceaniq, situs, nostrisq, incognita nautis
Sidera narrabat, positas & per mare terras,
Cum tandem tacuit, mediaq, in nocte quieuit.

Sim licet (vt perhibent) vates non vltimus inter,
Tybridis, & Mellæ cantu iam ad flumina notus:
Et primus, qui non nostro sub Sole iacentes
Ante alios cecini Romana per oppida gentes:
Christophorus quas exigua cum classe retexit:

Serta tamen mæro, aut edera sperare canendo
Non ausim: sat erit tantum (nam maximus inter
Es mihi mortales, & eris mihi maximus olim,
Dum reget hos artus calispirabilis aura,)
Sic hæc PERENOTTE leges, tibi cum dabit oia magnus
Hesperia rex extrema, quo Principe terras
Iustitia, & pietas, virtusq, antiqua reuifit.

F. I. N. I. S.

GRATIAS AGIT MARIAE VIRGINI.



*Q*UAS habeo grates tibi nunc MARIA
ALMA referre,
Non opus esse reor nostrę, nam gloria va-
tum es,

Cum tu Virgineo partu letata dedisti
Auctorem vite Christum, populisq; salutem,
Errabant qui iam in tenebris caligineq; atra.

Tu pedibus lunam premis, & tibi plausibus ether
Assurgit, cęliq; agitant noua gaudia ciues.

Te mulier dubij metuens discrimina partus,
Inuocat extensis manibus, pictamq; tabellam,
Donaq; multa tholo, nixu iam libera figit.

Mortales meritis celebrant te laudibus omnes,
Qua linquit nos Sol, & qua se tollit ab oris
Aurora, secum ducens lucemq; diemq;.

Tu nitidum cęli lumen, tu Regis ab alto
Sanguine Dauidicam longo genus ordine ducis.

Ipse autem (duce te) non nota ad littora Cubę
Christophorum ante alios, per tot vada cęrula vexi.
Atq; illum in portus sine tempestate reuexi.

Nam tua lux monstrauit iter, strauitq; per aquor,

Oceani

Oceani insanos fluctus. virgo alma licet sit,
 Non felix nostrum carmen, sed inane, tibiq,
 Oblatum tamen ex animo, precor accipe, quamvis
 Vis illa ingenij nobis, roburq, rediret,
 Cum malis non canebat, nec crine iuuentus,
 Tot merita haud possem numeris æquare canendo.

Nanq, tibi tantum debet mea pagina: quantum
 Non vnquam possem par reddere, si mihi detur
 Vt nostri quondam patres vixere, priusquam
 Effusi caderent tractim de nubibus imbres,
 Et nulla immensus cum littora pontus haberet,
 Fluctibus & rapidis perplexum inuolueret orbem
 Terrarum, genus, atq, hominum, volucresq, ferasq.

FINIS.

EPITAPHIUM
HIPPOLYTI CAPILVPI
EPISCOPI FANENSIS

In Christoph. Columbum Genuen.



Ligur Italiae decus, & lux certa Columbe,
Heu brevis extinctū te quoq; testa capit.
Te modo non potuit terras qui amplectitur
omnes

Oceanus, magno continuisse sinu.

Illius es fines ultra rate vectus ad Indos,
Quo prius haud pennis fama tetendit iter.

E I V S D E M.

A L I V D.

Tiphys nauigij ne certet laude Columbo,
Quamuis Aemoniam rexit arte ratem.
Egregijs etiam factis huic cedat Iason,
Sit licet aurata pelle superbus ouis.
Hic classem Oceani vesanis rexit in vndis,
Qua non ante vagus nauita fecit iter.
Orbeq; diuisum nostro penetrauit ad orbem,
Primus & innumeris auxit vtrumq; bonis.

E I V S.

E I V S D E M

A L I U D.

Parna licet cineres liguris tegat Urna Columbi.

Acta tamen cælo vix potuerit tegi.

Huius facta sonant quæ Sol oriturq, caditq,

Quaq, micant alto lucida signa polo,

Alter & hunc obitus Phæbi miratur & ortus,

Astraq, sub nostro quæ pede clara nitent.

Primus enim ignotum ceteri trabe vectus ad orbem est,

Primus & ignoto sidere rexit iter.

F I N I S.



EPITAPHIUM
HIPPOLYTI CAPILVPI
MANTVANI EPISCOPI
FANENSIS

In Carolum V. Imperatorem.



*Carolus hic situs est, magnos qui saepe coe-
git
Europæ Reges subdere colla iugo .
Qui libyam domuit, Thracasq. fugauit,
& armis*

*Adiunxit regnis Indica regna suis .
Qui mox se inuictum vicit, se fortior ipso ,
Cum solum spreuit quidquid & orbis habet .
Pulchrius Imperij sese spoliasse corona ,
Quàm Reges forti tot domuisse manu .*

Eiusdem epitaphium .

*Carolus occubuit morti de morte triumphans,
Mortuus inuita morte superstes erit.*

Facta vigent, Reges Europe vicit, & Afros.

Atque Indos ultra protulit imperium.

Mox sese Imperij magno subduxit honori

Sponte sua, & cunctas respuit orbis opes.

Hoc igitur decorent Regum spolia ampla sepulchrum,

Mortis & e valida rapta trophæa manu.

Eiusdem epitaphium.

Europæ domuit tollentes cornua Reges

Carolus, atque Asia terror & horror erat;

Et pedibus Libyam calcavit victor & illi

Innumeras victus præbuit Indus opes.


Deinde sibi frenum iniecit, sua triq; regendum

Imperium, & nato cetera regna dedit.

Atq; ait, Ex nobis & honores temnere & aurum

Discite mortales, pulvis & umbra sumus.

F I N I S.







LEGATORIA DI LIBRI

DI

ROBOTTI GIOVANNI

Roma, Via Firenze, 16

D

